

सानसेयारि "बड'सा" खीरालाइया
 सानसेयारि जिउजो लोब्बा थानाय रायथाय, सन्थाय,
 सल, सल'बाथा आरु दावबायारि थावनि, पार्क
 बाइदिनि स्याय लिरनाय लिरबिदां दैथाय हर/
 सानसेयारि "बड'सा" खीरालाइया सेवखानानि
 फोसावगोन।

बड'साया लिरहरनायनि दुबा खालाम,
 "बड'सा" खी नौथां, जो बयबो आंगो खालाम।

सानसेयारि बड'सा मावखुलि
 माइबं नोगार, जोहोलाव देमालु लामा
 कक्राइर, बिटिम-783370
 Website: www.bodosanewspaper.com

सानसेयारि बड'सा



BODOSA ★ A Bodo News Daily ★ Saturday ★ 17 October, 2020 Kokrajhar, BTC, Assam ★ Vol.- 30, Issue No. 203 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

गसाइगावआव थिर-जुवानि हेंथायै महकुमा खुंथायनि गोरखौ राहा

नोगोद रंजो लोगोसे सा 5 सुबुंखौ खादों

जुलि लानो हानायनि बैसो सिमनाखौ सोलायनायनि गेनांथि दडः गाहाय मन्थि

फैगौ 10 डिसेम्बराव मुंख्लं गोसोखांथि खाम्फा लुनायनि हाबाखौ गिबि मन्थिआ बेखेवनानै होगोन

मुंख्लं सानाव आसाम सोमावसारनायनि गुबुन गुबुन जाथायफोरनि फोरमान लाइसिबो फोसावगोन

गसाइगाव, 16 अक्टबर: कक्राइर जिल्लानि सिडव थाया गसाइगाव सहरनि दाब-दाब जायगाफोरग गोबाव सानफोर सिमानिफ्रायनो आइन बेखा एबा समाज बेखा थिर खेला, लटारी आरु जुवा खेलाफोरा। बेफोर समाज बेरेखा खामानिखौ फोजेवनो थाखाय गोखौ हाबाफारि लादों गसाइगाव महकुमा खुंथाया। महकुमा खुंथायनि बिथोन बादियै दिने गसाइगाव पुलिससा सहरनि दाब-दाब जायगाफोर आरु महकुमानि सिडव थाया दाब-दाब बाजारफोरग थिर, जुवा आरु लटारी खेलानि हेंथायै गोखोडे (5 बिलाइआव)



गोदान दिल्ली, 16 अक्टबर: गाहाय मन्थि नरेन्द्र मदिआ बुडोदि, भारत सरकारआ थाबेनो हिन्जावसाफोरनि थाखाय जुलि होनाय एबा जुलि लानाय बैसोनि

कमिसनआ रिपटखौ गथायनायनि उनावनो जोबथा थंथि लानाय जागोन। गाहाय मन्थिआ बुंबावोदि, सोलोथाय लानाय आइजोफोरनि गासै मुं थिसन्याय बादियै हादतयाव गिबि खेब हौवाफोरनि रुजुनायाव आइजोफोर बांसिन जादों। गाहाय मन्थिआ बुडोदि, थानाय 6 बोसोराव सरकारनि गेजेरजों बेनि फासै नोजेर लाखिनानयनि गेजेरजों माखासे नाजानाय हाबाफारिनि थाखायनो बेबायदि जानो हादों। बेनि अनगायैबो गाहाय मन्थिआ दासान्दि आबाद बिथिडावबो सोलायनाय आरु जौगानायनि फासै हाबाफारि लानानै हादतयाव

आबाद खोन्देखौ फोजौखानायजों लोगोसे आबादारि फोरनि आरजिनाय आयखौ बायायहोनायनि थंथिजों गोनंथार राहा लानाय जागोन आरु रोखा जादोंदि, बाडाइ बेसेन आरु सरकारनि बायनाया हादतनि आदार रैखाथियाव गोनं बाहागो आरु बेनि सोलिबाय थायावबो गोनंथार जादोंदि, सरकारआ बेनि थाखाय थियायि जादों। गाहाय मन्थिआ शुक्रबारखालि भिडिय' कन्फारेन्सनि गेजेरजों जुथाय हादतनि आदार आरु आबाद आफादनि (एफ ए अ') 75 थि बोसोराय गोरलैनाय साननि (5 बिलाइआव)

दिसपुर, 16 अक्टबर: फैगौ 10 डिसेम्बरखालि राइज्यो सरकारआ फालिनो लानाय मुंख्लं सानखौ लोब्बा लाखिनानै गिबि मन्थि सर्बानन्द सनवालआ गुवाहाटीनि सोनाब बरागावनि मुंख्लं गोसोखां पार्क आव आसाम सोमावसारनायनि मुंख्लंफोरनि गोसोखांथिखौ अराय जुगामि लाखिनानयनि थंथिजों मुंख्लं गोसोखांथि खाम्फा लुफुनाय हाबाफारिखौ गोजोनै बेखेवगोन। मख'नो गोनंदि, थानाय बोसोरनि मुंख्लं साननि समावनो गिबि मन्थि सनवालआ मुंख्लं गोसोखां पार्कनि थाखाय अन्थाय खाम्फाखौ



गायसन्दोंमोन। बे सानावनो आसाम सोमावसारनायनि जांरिमिनारि 1985 माइथायसिम नुजाथिनाय एबा सोमजिजाय गासै जाथायफोरखौ जथायनानै मोनब्रे (5 बिलाइआव)

कभिडनि समाव 80 कौटि निखावरिफोरनो बेसेन नाडैःमायरं रान्नाय जादोंःमदि

गोदान दिल्ली, 16 अक्टबर: गाहाय मन्थि नरेन्द्र मदिआ बुडोदि, भारतया थानाय 7-8 दाननि गेजेराव कभिड-19 महामारिनि समाव खमैबो 80 कौटि निखावरि सुबुंफोरनो बेसेन नाडैःमायरं आरु मुवा-बेसादफोर रान्नाय होदों। गाहाय मन्थिआ बुडोदि, माखासे दाननि गेजेराव भारत सरकारआ खमैबो 1.5 लाख कौटि रनि बाजेरजों आंखालाव गोरलैनाय निखावरिफोरनो बेसेन नाडैःजाग्रा बेसादफोरखौ जगायनानै होनो हादों। दिने शुक्रबारखालि आबाद आरु आदार गौथुमनि 75 थि बोसोरनि गायसन्थाय सानजों लोब्बा लाखिनानै खुंनाय हाबाफारियाव भिडिअ' कन्फारेन्सनि गेजेरजों बे बाश्राखौ मिथिहोयो। बेजों लोगोसे बे हाबाफारियावबो 75 रनि खारिबो बेखेवनानै होयो। गाहाय मन्थि मदिआ मोन 8 आबादफोरनि गेजेराव जौगाखां अर्गेनिक मोन 17 रोखोमनि आदारफोरखौ हादगोनो गथायनानै होयो। बिथाड बुडोदि, भारतनि जौनि आबादरि लोगो, जौनि आबाद बिगियानगिरि, जौनि अंगनवादि-आशा मावफारियाफोरा मोजां नडै आदारनि हेंथायै सोमावसारनायनि बाहागोदारि। बिसोरनि नाजानायवनो भारतआ

कभिडनि बे अलखद समावबो मोजां नडै आदारनि हेंथायै गोखों जुजिबोदों। गाहाय मन्थि मदिआ बुंबावोदि, भारत सरकार फिसा-फिसा आबादारिफोरखौ आरुबाव गोखोंसिन खालामनायनि थाखाय खामानि मावगासिनो दं। बिथाड बुंबावोदि, सरकारआ एम एप पि होनायनि थाखाय खामानि मावगासिनो दं। गाहाय मन्थि मदिआ बे बोसोरनि नभेल गोजोन बान्थाखौ आजावनो हानायनि थाखाय एफ ए अ'निसिम गहाम हामब्लायथि जासियो। लोरबां थाखो आरु सुबुंफोरखौ रंखाथि बिथिडव गोखोंसिन खालामनायाव एफ ए अ'नि दावबायनाय आरु नाजानाया जोबोद बाजायथाव जादों। भारतआ 10 कौटिनखुडो बांसिन सुबुंफोरखौ मोजां नडै आदार, एनमिया आरु जौनोमनि समाव गथ'सानि बाडाइ लिखिथाय जानाय जेन खौ जानगारहोनो थाखाय मोनसे गेदेर पचन अभियानखौ जागायजेदों। मोजां नडै आदारआ मोनसे सुबुंनि गेदेर जेना। जेराव 2 आरु सुबुंफोरा मोजां नडै आदारनि जाहोनावनि बायदिसिना जेनाजों बुगिनदों। बेनि अनगायैबो 45 जौखोन्दे गथ'साफेरा मोजां आदार नडैनि थाखायनो जिउ गोमानो गोनं जादों। (5 बिलाइआव)

सालबारिनि मतनगुरि बियाबआव इउ पि पि एलनि बिसायख थि फोसावदिं मेल




बि पि एफ दोलोया बि टि सि बिसायख थिसिम थागोन ना थाया बेनि रोखा नडाः प्रमद

बभानिपुर, 16 अक्टबर: बि पि एफ दोलो देदेनाय सरकारनि थान्दे, दोलोनि बिबानगिरिफोरा बि टि सिनि मोनसेबो जेनाफोरखौ बोसोनानयनि फासै गोनंथि होबोयाखे। हाग्रामा महिलारि देदेनाय बि पि एफ दोलो, सरकारआ गेना खान्थि आरु बेले-बेजे खान्थि गैबैबादि खुंथायखौ सामलायबोनानयनि थाखायनो सुबुंफोरनि जेनाफोरा बोसोनानयनाखे आरु जौगानायनि मुडव फेनाय रंफोरखौ लुथिनानयनि थाखाय दासान्दि बि टि आरनि गासै हरि-हरिसानि साफ्रोम राइजो-राजाफोरा बि पि एफनि फासै अन्सायनाय गैलिया होन्नानै गोखों रावजों बि पि एफ दोलोखौ सांखारियो इउ पि पि एल दोलोनि आफादगिरि प्रमद बर'आ। दिने बि टि आरनि सालबारि महकुमानि सिडव थाया मतनगुरि बियाबनि गेरामारा बाजारवा खुनाय इउ पि पि एल दोलोनि मोनसे गेदेर सुबुं गोमायाव बाहागो लानानै दोलोनि आफादगिरि बर'आ फासैनिफ्राय बि पि एफ दोलोखौ बिबुंथिजों गम्लोवनानै (5 बिलाइआव)

मुलुगनाडैः करना सन्देरनाय सुबुंफोरनि बिसानआ 3.92 कौटिसिम बांहैबाय

गोदान दिल्ली, 16 अक्टबर: चीन हादरनि बुहान नोगोरनिफ्राय सोमजिजेनाय गिखंथाव सुबुं जिउ फोजेबसांथा करसा भाइरासआ 1 बोसोर सम जानो माखासे दानफोरल'सम थासेयावबो दिने सिम बे भाइरासखौ फाहामनायनि थाखाय रोखा मुलि एबा भेक्सिन दिहुनायाव रावबो हादरआनो जाफुंसार जानो हायाखे। बबेखानि सोमजिजेनायनिफ्राय बे गिखंथाव भाइरासआ मुलुगनाडेनो गोखोडे सागलोबबोदों आरु दासिमबो सागलोबगसिनो थादों। गोदानै फोसावनाय मोनसे रिपट



बादियै मुलुगनाडैः करना भाइरास सन्देरनाय सुबुंफोरनि बिसानआ 3.92 कौटिसिम बांहैबाय। एरैहाय बे भाइरासनिफ्राय फाहामथाय लानायनि उनाव

दावहा दोन्थनाय मोन 5 आदिबाशि आफादनि दैदेनगिरिफोरा गिबि मन्थिखौ लोगो हमहैदों

दिसपुर, 16 अक्टबर: दावहा दोन्थनाय मोन 5 आदिबाशि उतखारि आफादजों लोगोसे आदिबाशि नेसनेल कन्भेन्सनि मोनसे थान्दे हान्जाया दिने गुवाहाटीनि खानापारायाव थायाय आसाम गोरबोथा मावफुंथाय बिफाननि मावखुलियाव गिबि मन्थि सर्बानन्द सनवालखौ लोगो हमो। आदिबाशि कक्रा मिलिटेट फर्स, बिसां कामान्ड फर्स, आदिबाशि पिफुल्स आर्मी, आदिबाशि नेसनेल लिबारेसन आर्मी आरु सावथाल टाइगाव फर्सनि दैदेनगिरिफोरा मोना-मोगि लोगो हमनाय समाव गिबि मन्थि सनवालनो आदिबाशिफोरनि दाबि खालामनाय एसटिजों लोगोसे हारिसाफोरा गुबुन गुबुन जेनाफोरजों मोगा-मोगि जानानाय आयदानि सायाव फोरमायना होयो। दावहा दोन्थनाय उतखारि

आफादनि दैदेनगिरिफोरा गिबि मन्थि सनवालनि सिगाडव फोरमायना होनाय बादिब्ला थानाय 2012 माइथायावनो आदिबाशिनि आफादफोरा हाथियारखौ गथायनाय जादोंमोनब्लाबो उरनि समाव आफादनि दाबि दैखानाय आयदाफोरनि सायाव जेबो गोनं सावरायनायखौ खुंनाय जायाखेमोन। नाथाय आथिखालनि मिरु आरु राइज्योवाव बिजेपि दैदेनाय सरकारआ खुंथाय बिबानखौ सामलायनायनि उनावनो राइज्योनि गुबुन गुबुन आफादफोरजों गोजोनै सावरायनाय हाबाफारिखौ आजावना लादों। आदिबाशि आफादफोरनि दैदेनगिरिफोरा सरकारनि हाबाफारि लानायनि थाखाय गिबि मन्थि सर्बानन्द सनवालखौ (5 बिलाइआव)

फरायनायाव जोबोद लोरबांब्लाबो नीट आन्जादआव टप सारिआव उथिनानै जाफुंसारनाय मोनो हादों

गोदान दिल्ली, 16 अक्टबर: देगलायनि 2020 बोसोरनि एनइडिटि एबा नीट आन्जादनि फिथाइखौ फोसावबाय। बे आन्जादनि फिथाइयाव सएब आफताबनि टप सारिआव उथिसारनो हानाया मख'जाथाव जादों। सएब आफताबआ बे आन्जादआव 100 जौखोन्दे नम्बर लानानै उथिसारनो हादों आरु बेबादि 100 जौखोन्दे (5 बिलाइआव)



गिबि मन्थि सनवालआ काति बिहुनि मुडैगाहाम हामब्लायथि हदों



दिसपुर, 16 अक्टबर: आसामनि गिबि मन्थि सर्बानन्द सनवालआ गोथार काटिक बिहु सान फोबोंआव राइज्योनि साफ्रोमबो थागिबि सुबुंफोरनो गावनि गोसो गोबौनिप्रय गहाम हामलायथि बाउहरदों। मोनसे हामलायथि रदाबआव गिबि मन्थि सनवालआ बुंदोंदि, काटिक बिहु फोबोंआ राइज्योनि थागिबि सुबुंफोरनि जिउआव गोजों लाबोथों आरु गासै राव-धोरम, हारि-हारिसाफोरनि गेजेराव अनलायनाय गोजोन खौसेथि आरु बिदा-फंवायनि सोमोन्दोखौ गोखोंसिन खालामथों। बे गोथार सान फोबोंखौ फालिनानयनि गेजेरजों बे बोसोराव मिथिगायारि खैफेद आरु कभिड-19 बायदि गिखंथाव थासरिनिफ्राय राइज्योनि साफ्रोमबो थागिबि सुबुंफोर राखा मोनो हागोन आरु गोजोन जिउ दैदेनो हागोनोखौ गिबि मन्थि सनवालआ हामलायथि रदाबनि गेजेरजों मिजिथिनाय फोरमायो। (5 बिलाइआव)

कार्बिआंलं जिल्लानि बर'बिजौनि सोलौंथाय जेनानि सायाव एबसु आरु फोरोंगिरिफोरनि जुथाय सावराय मेल

कक्राइर, 16 अक्टबर: दुलायय बर' फरायसा आफादआ गोबाव बोसोर समनिफ्राय बर'फोरनि गासै जे'नाखौ बोसोनो थाखाय गसंथेबोनायजों लोगोसे बर' बिजौनि सोलौंथाय बिथिखौ फोजौखानायनि थंथिजों गुन गोनं सोलौंथाय मावथांथिखौ सिगाडव दोन्नानै बानाय आरु मं'नाय गैयालासे खामानि मावबोदों। थानाय 27 जानुवारी, 2020 अक्टखालि जानानै थानाय बिटिआर गोरबथानि गेजेरजों बे समाव दुलाराय बर' फरायसा आफादनि नाजोबोनाय आरु हास्थायबोनाय बर' बिजौनि सोलौंथाय जेनाया बोसांजानायनि लामायाव कैबाय। बिटिआर



गोरबथानि दफायाव मख'खानाय बादियै बर'फोरनि सोलौंथाय जेना आयदा जैरे भेन्सार फरायसालि, फरायसालिमाफोरखौ सरकारी खालामनाय आरु फोरोंगिरिफोरनि जे'ना आयदाया बिटिआर गोरबथानि गेजेरजों बोसांजामिगोनखौ नोजेर बोनाने दासान्दि, दुलायय बर' फरायसा आफादआ बिटिआरनि दरबे जिल्ला आरु बिटिआरनि बाइजोआव थायाय दाब-दाब जिल्लाफोराव सोलौंथाय थासारि आयदानि सायाव सावराय मेल खुं'बोबाय थादों। दिनेबो कार्बिआंलं जिल्ला दुलायय बर'

फरायसा आफादनि बान्जायनायाव जिल्लानि सिडव थायाय लोहिननि बर' बिजों गोजौ फरायसालिआव (5 बिलाइआव)

कार्बिआंलं जिल्लानि बर' बिजौनि सोलौंथाय थासारिनि सायाव (5 बिलाइआव)

हाथियार आरु नंखाय रां बिलाइनि फालांगियाव लोब्बा थानायनि अजदजों सानै हमजादों

कक्राइर, 16 अक्टबर: कक्राइर जिल्ला सदर सहरनि एसे जान्थाय तितागुरियाव थायाय केन्द्रिय बिद्यालयनि सानै कर्मसारिखौ पिस्टल आरु नंखाय रां बिलाइनि फालांगि खालामनाय जाथायाव लोब्बा थानायनि अजदजों पुलिससा हमनाय जायो। बे जाथायखौ लानानै दासान्दि दुलाराय

जिल्लानि गेजेरावनो गोखे (2 बिलाइआव)

हाथियार आरु नंखाय रां बिलाइनि फालांगियाव लोब्बा थानायनि अजदजों सानै हमजादों

कक्राइर, 16 अक्टबर: कक्राइर जिल्ला सदर सहरनि एसे जान्थाय तितागुरियाव थायाय केन्द्रिय बिद्यालयनि सानै कर्मसारिखौ पिस्टल आरु नंखाय रां बिलाइनि फालांगि खालामनाय जाथायाव लोब्बा थानायनि अजदजों पुलिससा हमनाय जायो। बे जाथायखौ लानानै दासान्दि दुलाराय

जिल्लानि गेजेरावनो गोखे (2 बिलाइआव)

जिल्लानि गेजेरावनो गोखे (2 बिलाइआव)

गुबुंले बारहावा आरु हिसायायि जाथायजों थानाय बोसोराव बांसिन सुबुंफोर थैदों

गोदान दिल्ली, 16 अक्टबर: भारतआव बोसोरफोमबो बायदिसिना रोखोमनि हिसायायि जाथाय ,दाडाबाजि जाथाय सोमजिनायजों गोबां सुबुंफोरनि जिउ खहा जायो। बेनि अनगायैबो हादतनि माखासे नोगोरमाफोरग आबहावा गुबुंले जानायनि जाहोनआव नोगोरनि सुबुंफोरा हमदांनो हायै बेरामजों नाखेवजानानै जिउ खहा जानायबो रायखांजाथाव। एक्सपार्टफोरनि नायबिजिरनानै मोननाय मोनसे रिपट बादिब्ला, भारतआव थायाय बोसोराव गुबुंले बारहावा, गोजौ थै नारिसन्थाय, थंखु सोबनाय आरु ब्लाड सुगाजों बयनिखुडो बांसिन सुबुंफोरनि जिउ खहा जादों। सासे गेदेमा नायबिजिरगिरिआ (2 बिलाइआव)

सुजुगिरिनि खोलाम

बिफां-लाइफां दानस्रानायनि बिजाउन

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवस्रानाय आरो दंफां दानस्रानाय। गामिन सुबुंफोरनि बाश्राल' नड टाउन सहरनि सुबुंफ्राबो सुबिदा लाना हाग्रामाआव हाबहेना दंफां दानना लाबोनाय आरो गुबुन्तो फानहरनाय हुदाखौ गोदो गोदायनिफ्रायनो नुबोगासिनो दड। दिनैसिमबो सुबुं समाजाव बेनि गोथौयै रोदा सुनाय हुदाखौ नागारनो हायाखै।

सुबुंफोरनि बाश्राल' नड, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडबा जैरै थाउरिनो हाया, मानसि माहारियाबो जिउ खानो हाया। मिथिगानि सोर्जिनयानि मादाव दंफां लाइफां, हाजो-हाला, दैमा दैसा, दैमु बाइदिसिना नडबा जिउ जुनातफ्रा दसेनि थाखायबलाबो थाना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थाना थानो हायै बाइदि गुबुले जागोन।

सुबुं समाजा दंफां लाइफांनि सायाव जैरै बाइदि सोनारो बेखौ साननो रौब्ला हाग्रा बंग्रानि सायाव बे रोखोमनि अनगार अत्यासारा जानाय नडमोन। हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैगं मैला, थायो। गामिबखौबो मानसि माहारिनि गोनां जिउ खानायाव नांगौ। सुबुं समाजा नांगौखौल' मिन्थिनो रौबाय नाथाय, बेफोर गोनां मुवाफोरखौ रैखा खालामनो दासिमहालागै सोलोडखिसै मानो ?

मोनसे सौनाय फैयो, दंफां लाइफांखौ दानस्रानो सोलोनो हागौबा, बेफोरखौ गायनो सोलोनो मानो रौदिया ? गोदो गोदाय आबै आबौमोननि बिबै बिबौफ्रा गायना गालानाय दंफां लाइफांफोरखौ हागौमानि जां दानस्रं जोबबाय जाय जैरै हागौ एरै। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटर, इन्टरनेट मुगानि सुबुंफ्रा सानखानो रोडखिसै जां थानो जैरै नबां नांगौ, जुनारफोर थानोबो हाग्रामा नांगौ। जौनि जायगाआव जा जालांबाय जालांबाय, इयुन जोलैफोरनो दंफां लाइफांनि गोनांथिनि सोमोन्दे मोजाडे गियान होनांगोन आरो बेफोरखौ मात्रै गायनांगौ, फोथानांगौ, फेदेरनांगौ, राहोनांगौ, आरो मात्रै रैखाथि होनांगौ, गोथौयै फोरनांगोन, मिन्थिहोनांगोन, दंफां लाइफां, हाग्रामा थायाब्ला जांबो थाना थानो हानाय नड बे बुहुमाव।

दिनैनि फानजामुधि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

मेष: माबा मोनसे गोदान खामानि मावनो मोनो हागौ। गोजोनाय मोनगोन। मोजां सान।

वृष: मोजां हाबा मावलांनो हानायनि थाखाय सम्मान मोनो हागौ। मोजां सान।

मिथुन: बहाबाफोर दावबायनाय समाव बौरैबाफोर लोगो आन्दायलायनाय जानो हागौ।

कर्कट: मावनाय दानायफोरजां दोहोनखौ मुलाम्फा खालामनो हागोन। मोजां सान।

सिंह: बादायोब्ला देरहालांनो हागौ। बयखौबो थुलुंगांहांनो हागोन। मोजां सान।

कन्या: फरायनायाव रंगथिखौ जौगाखांनो हागोन। बयजौबो बाखाय जानो मोनगोन।

तुला: बबेबा जायगाफ्राव दावबायहैनो मोनो हागौ। गोसोखौ गोजोन मोनो हागोन।

वृश्चिक: जेखि जाया गोथार खामानि मावनो गोनां दडबा मावनानै लानो हागोन। जौगाखांगोन।

धनु: गोसोआव बायदिसिना जेनाफोरखौ लानानै जिगा सिफ्तानो हागौ। गोसोखौ हमथा।

मकर: बायदिसिना होनानै सोरजांबा खैसार साजानो हागौ। जेखि जाया जैरैबो सांग्रां जानांगोन।

कुम्भ: रांखावरिफ्राव सोरजांबा थगया जानो हागौ। सांग्रां जानानै खामानिफोरखौ मावनांगोन।

मीन: मोजां हाबा मावनानै थुलुगानाय मोनो हागोन। रंगथिआ बांलांबाय थगोन। मोजां सान।

भारतनि गिबि अस्कार देरहागिरि भानु अथैयाआ 91 बोसोर बैसोआव रुंसारि जाबाय

मुम्बाइ, 16 अक्ट'बर : मुंदांखा अस्कार देरहागिरि आ गिबि भारतीय जानायनि गौरबखौ मोन्दोथिनो हानाय मुंदांखा कस्टयुम डिजाइनर भानु अथैयाआ 91 बोसोर बैसोरआव रुंसारि जाबाय। बियो गोबाव समनिक्रायनो बेरामजौं भुगिनांदोमोन। 1983 आव भानुखौ रिचार्ड अटनबानि कालजयी सावथुन गान्धीआव कस्टयुम डिजाइननि थाखाय एकाडेमि एवार्ड हाबाफारियाव बेस्ट कस्टयुम डिजाइन केटेगिरीआव देरहासोरगिरि फोसावदोमोन। बे सावथुननि थाखायनो भानुआ बाफ्टा एवार्डबो मोन्दोमोन। अथैयाखौ मोनै खाबुआव माहारियारि सावथुन बात्थाजौंबो सम्मान होदों। बे मोनै



खाबुआ 1991 नि सावथुन 'लेकिन' आरो 2001 आव बानायनाय आरोबाव मोनसे कालजयी सावथुन लगान 'नि थाखाय फैदोमोन। 2012 आव अथैयाआ रैखाथियै दोनो थाखाय गावनि अस्कार एवार्डखौ मशन पिक्सर आर्ट्स एन्ड साइन्सेजो गथायना हरफिन्दोमोन। 5 जौथाइनि गावनि केरियारआ अथैयाआ राज कुमार, कमल अमर 'ही, गुरु दत्त, यश चपड़ा, बिआर चपड़ा, बिजय आनन्द, राज खसला, गुलजार, केतन महेता, बिधु बिनद चपड़ा, सुभाष घाइ आरो आशुतष गवारीकरजौं लोगोसे गोबां फावगिरिफोरजौं हाबाफारि मावदों। भानुआव गावनि न'आव जोबथा हांबोदों। बिखौ बृहस्पतिवारआव चान्दीबली गोथै सालियाव जोबथा बिदाय होनाय जाबाय।

थानाय 24 घन्टयाव 30 रोजा कभिड इनफेक्सन जादों फ्रान्सआव



गोदान दिल्ली, 16 अक्ट'बर: मुलुगनाडै इनफेक्सननि अन्जिमाया 3.87 कौटिकिनिफ्राय बांसिन जाबाय। फारसेथिं मोजां जानाय बेरामिफोरनि अन्जिमाया 2 कौटिकि 91 लाख 49 रोजा 291 निफ्राय बांसिन जाबाय आरो थैनाय सुबुंफोरनि अन्जिमाया 10.98 लाखनिफ्राय बांसिन जाबाय। बे अन्जिमाखौ w w w . w a r t d o

गाहाय शहरफोरव गोखौं कार्फु होनाय जागोन। बेनिखायनो 12 रोजा पुलिस मावसुमाफोरखौ थिसन्याय जागोन। हादतआव दसिमाव 8-9 रोजा 684 इनफेक्सन जानायखौ मोनो हादों आरो 33 रोजानिफ्राय बांसिन सुबुंफोर थैदों। थानाय बुधवारआव राजथावनि पेरिसजौं लोगोसे 8 राइज्योफोरव कार्फु होनो फोसावदोमोन।

(1 बिलाइनिफ्राय)

गुबुले बारहावा आरो हिंसायारि जाथायजौं थानाय बोसोराव बांसिन सुबुंफोर थैदों

शुक्रवारखालि खेंफोरथि होनाय बादिब्ला, नार्यबिजिनारनि रिपट ग्लबेल बाडेन अफ डिजिसआव मख'नाय बादिब्ला, मुलुगनि दर 200 नि बांसिन हादरफोर आरो ओन्सोलफोरव सुबुंफोर थैनायनि 288 जाहोनफोर आरो 369 बेरामफोर दड। रिपटनि बादिब्ला, थानाय बोसोराव भारतआव गात्रि बारहावाजौं 16.7 लाख, थंखु सोबनायजौं 12.3 लाख, गोजो थै नारिसन्थाय बेरामजौं 14.7 लाख आरो हाइब्लाड सुगारजौं 11.2 लाख सुबुंफोरनि जिउ खहा जादों। बबेखानि थानाय 30 बोसोरनि गेजेशव भारतआव गोसोनि बेराम, सुगार आरो स्टूक बायदि बेरामजौं बांसिन सुबुंफोरनि जिउ खहा जादों।

हाथियार आरो नंखाय रां बिलाइनि फालांगियाव लोब्बा थानायनि अजदजौं सानै हमजादों

सावरायनायखौ मिथिनो मोन्दों। पुलिसआ नमलेश दैमारि आरो बिन लोगो दिन्दांपारनि दिगम्बर गयारि (25) निफ्राय मोनसे .22 एम एम पिस्टल आरो गरथाम गोथं गुलिखौ बोखानो हादों। फरसेथिं बिसोरनि गुबुन सासे लोगोआ खारखुमानो हानायव जापुंसारदों। कक्राझार सदर थानानि पुलिस बिबानगिरि बिनाद बसुमतारिआ मिथिहोनाय बादिब्ला मोनसे जर'खा सुलुनि बादियै कक्राझार पुलिसआ गंसे गरियाव आयेन बेरखा हाथियार आरो नंखाय रां बिलाइ फालांगिनि फोरमानखौ मोनो हायो। बेबायदिनो पुलिसआ बि टि सि सेक्रेटारियेटनि साखाथियाव बिसोरखौ नोजोर लाखियो आरो थि समावनो गरि फैनायखौ नुनो मोनानै पुलिस हान्जाया गरिनि उन उन संदोनो आरो गरिया केन्ट्रिय बिद्यालयनि क्वार्टर लाइनआव हाबैहैयो। पुलिसआ संदोनाय समाव गंसे पिस्टल आरो गरथाम गोथं गुलिखौ बोखानो हानायजौं लोगोसे खमैबो 5 लाख रनि नंखाय रां बिलाइ थियारि खालामनायनि थाखाय गोनांथि जानाय लांदों लेखा बिलाइखौ जन्द खालामो। पुलिसआ आयेन बेरखायै हाथियार फालांगि आरो नंखाय रां बिलाइनि फालांगियाव लोब्बा थानाय नमलेश दैमारि आरो बिन हेफाजव होराखौ हमनानै दासादि साजा होनायखौ सोलिहोबाय थानायजौं लोगोसे गुबुन सासे खारखुमानाय दायनिगिरिखौ हमनो थाखाय संदोनाया सोलिहोबाय थदों होनानै पुलिसनि सुलुखव फोरमायदों।

करनानि अनगायै डायरिया, निमनिया आरो बेक्टेरियानि इनफेक्सननिफ्राय रैखाथि मोनो थाखाय 20 सेकेन्ड आखाइ सुनांगौ

गोदान दिल्ली, 16 अक्ट'बर: मुलुगनाडै सा 240 कौटि सुबुंफोरा गावनि आखायखौ मोजाडै साफा लाखिनो हाया। खालि 20 जौखोन्दो सुबुंफोरा' आखायखौ जोथोनै लाखियो। एक्सपार्टनि बुनाय बादिब्ला, बे बोसोरआव करनाखौ गिनानै सुबुंफोरा आखायखौ साफा लाखिनयनि हुदा खालामदों, नाथाय इनफेक्सन एबा सन्देखा बेरामफोरनिफ्राय रैखाथियै जानोब्ला बे हुदाखौ लाखिलांबाय थानांगोन। डब्लिउएचअ आरो सिडिसिआ बुंदों आखायखौ इनफेक्सन गैया खालामनो थाखाय 20 सेकेन्ड सुनाया गोनांथार। ब्रिटेनआव खालामनाय रिसार्चनि बादिब्ला, करना इनफेक्सननि जेनाखौ 90 जौखोन्दोसिम खम खालामनोब्ला सानसेयाव खमैबो 6 बार आखाय सुनांगौ आरो मास्क गाननांगौ। मैला गोनां आखायजौं गथ'फोरनाव बेरामआ बांसिनै गोसारो। बेफोरनि गेजेशव निमनिया आरो डायरियाआ सरसनसांसनि। वर्ल्ड बैंकनि रिपोर्टआ फोसायो आखायखौ साखोन-सिखोन लाखियैनि जाहोनाव मुलुगनि हादतफोर 19 लाख कौटि रं



उफ्रा खरशा खालामनाडो। 16 अक्टबरआ ग्लबेल हेन्ड वाशिं डे थामहिनाव मुलुगनां आखाय सुनाय सान। देगलायनि हान्जाया हेन्ड हाइजीन फर अल एबा बयबो आखायखौ साखोन-सिखोनै लाखिनायाव नोजोर होनांगौ। सानसेयाव गोबां खेब साबुनजौं आखाय सुनांगौनि गोनांथि आरो मुलाम्फाफोर जादों -1. मुम्बाइनि जसलक हस्पितालनि क्रिटिकल केयार कन्साल्टन्ट डा० श्रुति टन्ड ननि फोरमायनाय बादिब्ला, उदैनै बेरामफोर, हां लानायजौं लोब्बा गोनां बेराम आरो सन्देखा बेरामफोरनिफ्राय रैखाथियै थानो थाखाय आखाय सुनांगौ। फारसेथिं आखायआ गोबां मैलाब्ला एबा सोखा इम्युनिटी लोरबां सुबुंखौ दाडोब्ला आखायखौ 3 मिनट सुनांगौ।

2. बिगुरनि जरखा डा० इउएएस अग्रवालआ बुंदोंदि, आखायखौ साफायै लाखिनो थाखाय साबुनजौं सुनायानो साबसिन राहा। सेनिटाइजरखौ गोबां बाहायनो नाड। मानोना बेयाव थानाय एथेनल, एन-प्रपेनल, आइसप्रपिल ड्राइ एल्कहलआ आखायनि थाखानाय गुरै सिदोमाखौ गैया खालामो। सेनिटाइजरखौ बांद्राय बाहायोब्ला बिगुरआव मानलुनाय, खर' सानाय आरो खर' गिदिनायनि जेनाबो जानो हागौ। बेयो आखायाव सिथर, मानलुनाय आरो रानस्वाव जाहोनो हागौ। 3. डब्लिउएचअ नि रिपटनि बादिब्ला हेल्थकेयार वाकास एबा गाहाम देहानि मावसुमाफोरनिफ्राय इनफेक्सन गोसारनायनि जेना थायो। देहा

फाहामसालियाव थाडोब्ला आखायखौ साफायै लाखिनाया गोनांथार। हेपेटाइटिश ए-भाइरस, नर'भाइरस, र्खा भाइरस एडिन स्टेफायलककसे अरैयास बायदिया हेल्ट केयार स्टाफनि गेजरजौं गोसारनो हागौ। 4. ब्रिटेननि इडनिभासिदि कलेज लन्डननि रिसार्चनि बादिब्ला सानसेयाव खमैबो 6 खेब आखायखौ साबुनजौं सुयोब्ला आरो मास्क गानोब्ला करनानि जेनाया 90 जौखोन्दो खम जायो। बिगियानगिरिफोरनि बादिब्ला आधिखालनि करनानि समाव सानसेयाव 10 खेब आखाय सुनांगौ। 5. सरसनसायै न'निफ्राय बायजोयाव ऑखरनायनि सिगां आरो थानांगौ जायगायाव सहेनायनि उनाव, जाग्रा मुवा जानायनि सिगां, गथ'फोरनि डायपार सोलायनायनि उनाव-गलाफोरव मुवाफोर दानायनि उनाव, हरसिउनाय, गुजुनायनि उनाव, न'आव फिसिनयानि जिब-जुनातखौ दानायनि उनाव, बायदि बायदि खामानि मावसुमाफोरनिफ्राय इनफेक्सन गोसारनायनि जेना थायो। देहा

हम्यपेथी मुलिजों करनाखौ फाहामथाय होनायनि राहा लादों

जयपुर, 16 अक्ट'बर: हादतयाव करना भाइरसनि गुन गोनां मुलिखौ जौगाखां होनो हाथावाखै, नाथाय माखासे डाक्टरफोर आरो बिगियानगिरिफोर मोनसे मुलिखौ लानानै दाबि खालामांखायदि बे मुलिखौ लानानै दाबि दैखांखांबायदि बे मुलिआ करना बेरामिफोरनाव मुलाम्फा गोनां जादों आरो बेरामिनि देहाया मोजां जादों। हम आइसलेसनआव थानाय कभिड-19 पजिटिभ बेरामिफोरनि थखाय रजस्थान सरकार गोदान गाइडलाइन फोसावदों। मख'नो गोनांदि, बे गाइडलाइनआव हम्यपेथी ट्रीटमेन्टनि बाश्रा बुनाय जादों। बे गाइडलाइनआव हम आइसलेसनआव थानाय करना पजिटिभ बेरामिफोरखौ फाहामथायाव हम्यपेथीनि मुलिफोरखौ बाहायनो सुबरन होदों। जयपुरनि सासे हम्यपेथी डाक्टर अजय यादवआ मिस्ट्रि



अफ करना मुनि गांसे बिजाब लिस्टदों। बे बिजाबआ गिबि मिन्थि अशक गहलतनिमिसमबो सहेदोंमोन आरो बे बिजाबआव हम्यपेथीआव करनानि फाहामथायखौ लानानै जानो हाथावनाखौ मिथिहोनाय दंमोन। बेनि उनाव करनायाव हेम्यपेथी ट्रीटमेन्टखौ राइज्यो सरकारनि गाइडलाइनआव थिसनफानाय जायो। डा० अजय यादवनि दाबि दैखानाय बायदिब्ला गावनि थियारि खालामनाय मुलिजौं करनानि बेरामिया मोजां जानो हागौ। 45 सान नाजानायनि उनाव मुलिखौ गाव दिहुननो हादों। बे मुलिजौं रोजा-रोजा करना बेरामिफोरा मोजां जाखांबाय। केलियाम ब्रिमिकम 200 CH, अजन 100 CH, ब्रिमियाम 30 CH आरो क्लरम 30 बे मोनब्रै हम्यपेथी मुलिजौं सप्ताहसेनि गेजेशवनो करनाखौ दबथायनो हागौ। बे मुलिफोरव थानाय तत्वफोरनि जाहोनाव बेयो देहानि इम्युनिटिखौ गोखौं खालामो। होना डा० अजयआ बुंदों।

गोजां बोथोरआव करनाया बांसिन जानो हागौखौ हमदांनार सरकारआ 1 लाख टन लावलाव अक्विसजेन बायगोन

गोदान दिल्ली, 16 अक्ट'बर: मिरुनि देहा मावख'आ लाव-लाव अक्विसजेन गुबुन हादतनिफ्राय लाबोनाय हाबाफारिखौ जागायबाय, जाहाथे गोजां बोथोरआव बेयो खम जाहैया। गोजां बोथोरआव करनानि केसआ बांनो हागौ होना आसा खालामनाय जादों। अक्विसजेन बायनाय आरो बेखौ रान्ना होनायाव गासै 600-700 कौटि रं नांगोनखौ हमदांनय जादों। एडचएलएल लाइफकेयार लिमिटेडआ देहा मावख'निफ्राय से लाख टन लाव-लाव अक्विसजेन बायनायनि थाखाय मुलुगनां टेन्डार फोसावबाय। गुबुन मिरु आरो राइज्यो सरकारनि देहा फाहामसालिफोरनि थाखाय



अक्विसजेन बायनो नागिरदों। मंगलबारसिमनि अन्जिमा बादिब्ला हादतनाडै 3.97 जौखोन्दो बेरामिफोरा अक्विसजेन लाना दंमोन। 2.46 जौखोन्दो बेरामिफोरा अक्विसजेननि सुबिधा गोनां आइसिडु बेडआव दंमोन आरो 0.40 जौखोन्दो बेरामिफोरा थेन्टिलेटरआव दं। मार्च दानसिमाव हादतनाडै 6,400 मेट्रिक टन अक्विसजेनखौ दिहुनाय जायोमोन। जायनि से रोजा मेट्रिक टन अक्विसजेनखौ फाहामसालिनि थाखाय बाहायनाय जायोमोन।

गाहाय मन्थिया 75 रानि खावरि बेखेवबाय

गोदान दिल्ली, 16 अक्ट'बर: 16 अक्ट'बरया जाग्रा आदार आरु आबाद फसंथाननि 75 थि बोसोरारि सान। बे समाव गाहाय मन्थि नरेन्द्र मदिआ फुनि 11 रिगायाव 75 रानि फेसा गथाखौ फोसावदों। बेजों लोगोसेनो गाहाय मन्थि मदिआ बावैसो समाव जाफुंसार होनाय मोन 8 आबादनि 17 था बाइअ काल्चार भेरिटीखौ हादतनोबो गथायादों। बे समाव गाहाय मन्थि मदिआ गासिखौबो सोमोन्दो लादों। गावनि सोमोन्दो लानायाव बियो माखासे आयदानि सायाव गावनि बाभ्राखौ फोरमायदों। मुलुगनाडे जाय सुबुंफोरा उखेहाबनायखौ जानगार खालामनो थाखाय हाबाफारि



मावदों, गाव बिसोरोबो गाहाम हामलायथि बावहरो। भारतआव मायरंखौ जानला मोनला खालामनाया जेबलाबो मोनसे गिदिर जेना जादों। आथिखालआव इछेनचियेल कर्मडिस्ट एक्टआव सोदांनय

जाबाय बेजों थासारिया सोलायगोन। फिसा फिसौ आबादारिफोरनो गोहोनो होनो थाखाय फारमार प्रडिउसार अर्गनाइजेसन एबा एफपिअनि मोनसे गिदिर नेटवार्क खौ हादतयाव थियारि खालामनाय जादों। आबादारिफोरा आबादनि बेसेनखौ से खावसे गुन बेसेनाव

एमएसपिनि महाराव मोनो, बेनि थाखाय माखासे थांखि लानाय जादों। एमएसपि आरु सरकार बायनायआ हादतनि फु ड सिक्किउरिटिनि मोजों बाहागो। गासिबोनि नाजानायनि गेजेरजों भारतया करनानि खेफोतनि समावबो उखेहाबनि हेंथायै गोखों दावहा नादों।

आयेननि रावफोराव गोर्ले इराजी बाहायनो राइजो-राजानि दाबि

गोदान दिल्ली, 16 अक्ट'बर: सुप्रिम कर्टआ सरासन्धा इराजी आरु ओन्सोलनि रावफोरआव आयेनफोरनि हेन्ड दक्स फोसावनो आरु सरकारनि नेमखान्थिफोरनि थांखियाव बुजिनो हानाय गोर्ले रावखौ बाहायनायनि थाखाय थिसन्याय आर 'जलाइनि सायाव बृहस्पतिबारआव मिरु सरकार आरु बार काउन्सिल अफ इन्डिया (बिसिआइ) नो नटिस फोसावदों। गाहाय बिजिदगिरि एसएबबडे, जास्टिस एस बपना आरु गाहाय बिजिदगिरि बि. रामासुब्रमणियामनि पीठनो होनाय आर 'जलाइयाव आयेन मावख 'नो बिथोन होनो खावलायनाय जादोंदि, सरासन्धा सुबुंनि हितनि



आयेनारि फिसा-फिसौ बिथोनलाइखौ सरासन्धा इराजीजों आरु ओन्सोलनि रावआव फोसावनो बिथोन होयो। जाहाथे सरासन्धा नोगोरारिआ गावनि मोन्थायफोर आरु अजद होनायफोरनि सुसंनयजों सोमोन्दो गोनां

आयेन आरु हाबाफारिखौ गोर्लेयैनो बुजिनो हायो। आर 'लाइयाव सुबुं हितनि गासै सरकारनि नेमखान्थिफोर, आयेनफोर आरु बिथोनमाफोरनि थांखिफोराव गोर्लेयैनो बुजिनो हानाय गोर्ले रावखौ बाहायनो बिथोन होनांगौ। आर 'लाइयाव

बिसिआइखौ गासैबो ल' कलेजफोराव सरासन्धा इराजीआव आयेन लिस्नायखौ गोनांथार आयदा हिसाबे जागायजेन्नायनि बिथोन होनोबो खावलायदों। बे आयदायाव आयेननि फरायसाफोरा गोर्ले रावआव बुजिनो हानाय बायदि रोखा आरु सुंदोब आयेनारि लेखा बिलाइनि थांथिखौ थियारि खालामनायनि सोमोन्दे फोरनोनांगौ, बेयाव सुप्रिम कर्टआव लिस्नायनि पेजसिमा आरु दान्थे-बिदान्थेनि थाखाय समाय सिमा थि खालामना होनो बिथोन होनोबो आर 'ज गावदों। बे आर 'लाइनि सायाव बृहस्पतिबारखालि सुप्रिम कर्टआ मिरु सरकार आरु बिसिआइनो नटिस हरदों।

आसाम पुलिस आन्जादआव पेपार लिक केसयाव एसपि कुमार सन्जीत कृष्णाहमजाबाय

गुवाहाटी, 16 अक्ट'बर : आसामाव पुलिस आनजादआव पेपार लिक खालामनाय गेनाखान्थियाव एसपि सन्जीत कृष्णाखौ पुलिसआ गोबाव सम जेरा सेबनायनि उनाव जोबथेसालियाव लांबाय। सुलुडाव फोरमायनाय बायदिब्ला सान्ने सिगांल' आसाम पुलिसआ बे केसाव जेरा सेबनो थाखाय सन्जीत कृष्णाखौ सासफेन खालामनायमोन। बे केसायाव सन्जीतखौ जेरा सेबनो थाखाय सासफेन खालामनायनि उनाव बिनि बिदा आसामनि गाहाय

सेक्रेटारि कुमार सन्जय कृष्णाहमजाबाय फिन होदोंमोन। बिथाडा बुदोंमोनदि, बे केसयाव आयेनआ गावसोरनि खामानिखौ मावगासिनो दड। सुलुडाव फोरमायनाय बायदिब्ला, थानाय 20 सेप्टेम्बराव आसाम पुलिसनि डिआइजिनि गं 597 था मासिफोरनि थाखाय लिस्नाय आन्जादनि सांथिलाइआ लिक जादोंमोन, जायनि जाहोनाव एसएलपिआरबि आ आन्जाद जागायनायनि माखासे मिनिटनि उनावनो आन्जाद होबथादोंमोन।

हादतआव दासिम 64 लाखनि बांसिन सुबुंफोरा गाहामाव फैबाय, एक्टिभ केसआबो दाखलायबाय

गोदान दिल्ली, 16 अक्ट'बर: हादतआव करना भाइरास महामारिनि केसआ सानफोरमबो दावखलायगासिनो दड। आथिखालाव हादतआव 64 लाखनिखुइ बांसिन सुबुंफोरा करनानिफ्राय गाहाम जाफिनबाय। बेजों लोगोसे हादतआव करनानि एक्टिभ केसावबो दावखलायगासिनो दड। अदेबानि एक्टिभ केसआ दावखलायनायै गासै 8 लाखनि खाथियाव सौहैबाय। थानाय माखासे साननिफ्रायनो करनानि एक्टिभ के सआ दावखलायगासिनो दड।



सावसि बिफाननि गोदान अन्जिमानि बायदिब्ला, थानाय 24 घन्टानि गेजेराव हादतआव

करनानि 63 रोजा 371 केस मोन्नाय जादों। बे समाव हादतआव करनानि 895 सुबुंफोरा थैबाय। करनानि गासै के सनि बाभ्रा बुडोब्ला, हादतआव दासिमाव 73 लाख 70 रोजा 469 के स मोनखांबाय। बिसोरनि गेजेराव 64 लाख 53 रोजा 780 सुबुंफोरा गाहाम जाफिनबाय। करनानि एक्टिभ केसनि बाभ्रा बुडोब्ला, बेनि अन्जिमाया आथिखालाव दावखलायनायै 8

लाख 4 रोजा 528 सिम थाहैबाय। बेरा फारसे, हादतआव करनानि 1 लाख 12 रोजा 161 जाहैबाय। मख 'नो गोनांदि, हादतआव करनानि रिक्भारिनि बिबाडबो बारायगासिनो दड। बेनि गेजेरजों थानाय 24 घन्टानि गेजेराव हादतआव सा 70,338 सुबुंफोरा करनानिफ्राय गाहाम जाफिनबाय। करनानि रिक्भारिनि बिबाडा 8756 जौखोन्दो जाहैबाय। बेजों लोगोसे थानाय 24 घन्टानि गेजेराव सा 7,862 एक्टिभ केसआ खमायो। बेनि गेजेरजों हादतनि करना एक्टिभ केसनि बिबाडा दावखलायनायै 10.92 जौखोन्दो जाहैबाय। बेरा फारसे हादतआव करनानि थैनायनि बिबाड 1.52 जौखोन्दो जादों। हादतआव करना भाइरासनि सेम्पोलखौ नायबिजिनारनि अन्जिमाया 9 कौटि बारबाय।


जाग्रा आदारजों पषण रैखाथि होनायै सिगांलांनया गोनांथार: हर्षबर्धन



गोदान दिल्ली, 16 अक्ट'बर: देहा मन्थि हर्षबर्धनआ 'इट राइट इन्डिया मुवमेन्ट'नि थांथिखौ जाफुंसारहोनो थाखाय जाग्रा आदाररैखाथिजों पषण रैखाथिनि फारसे आवगय लानायनि सायाव बोली होदों। बियो गुबुन सोमोन्दो थानाय मावखनाव थांखि आरु सोलोरारि खाथिखौ रोखा खालामनो थाखाय जुथाय जौसां बानायनो आर 'ज गावदों। हर्षबर्धन इट राइट इन्डिया मुवमेन्ट बिजन 2050 खौ जाफुंसार होनो थाखाय खुनाय एफएसएसएआइ आरु गुबुन गुबुन मावख 'नि गागि बिबानगिरिफोरनि जथुमा खुनायखौ सामलायदों। भारतआव जाग्रा आदारजों जानो गोनां बेरामखौ बिबानगिरिआ नायबिजिदों। आदार रैखाथिजों पषण रैखाथिनि फारसे आवगय लानो थाखाय सोमोन्दो थानाय मावख 'फोरा खौसे जानांगौ। जुथाय जौसां बानायनो थांखि आरु सोलोरारि खाथिखौ बानायनांगौ। बेबादि खालामन्ना हाबा फारि मावनाया समानथि जागोन।

अ ब्लाड ग्रुपनि सुबुडा कभिड-19 नि खैफोदाव गोग्लैबाड

गोदान दिल्ली, 16 अक्ट'बर : कभिड-19 नि रहस्य खौरांफोरा ओंखारगासिनो दड। बेनि गेजेरजों आन्जाद नायग्राफोरा नायबिजिनारनाय मोनोदि, अ ब्लाड ग्रुपनि सुबुंफोरनाव करना इनफेक्सनि गिथावनाया खम जायो। जुदि बिसोर बेराम जायोब्लाबो अंगफोरनि जेनाफोरजों लोगोसे गुबुन गोब्राव बेरामफोरनि सन्देहआबो गोबां खम जायो। अदेबानि मुंदांखा लाइनि ब्लाड एडभासेजआव फोसावनाय आन्जाद नायनायाव बे बाभ्राखौ दाबि दैखाडोदि, अ ब्लाड ग्रुप गोनां कभिड-19 नि खैफोदाव खम जायो। आन्जाद नायग्रा आरु इडनिभासिंटे अफ



साउदर्न डेनमार्कनि टर्बन बेरगटनि बुनाय बायदिब्ला बिसोरनि हादतनि थासारिफोरा आलादा। थागिबिफोरा खम जानायनि जाहोनाव आफादफोरखौ सामलायनो

खममोन। बे इनफेक्सन जानायफोरनि गेजेराव ए, बि आरु ए, बि ब्लाड ग्रुप गोनांफोरनि अन्जिमाया बांसिनमोन। आन्जाद नायग्राफोरनि बाइदिब्ला, ए आरु बि ब्लाड ग्रुप गोनां सुबुंफोरा हां लानायाव बांसिन जेना गोनां जायो। कभिड-19 नि जाहोनाव बिसोरनि समफलफोरखौ ख'हा खालामनायनि बिबाड बांसिन जायो। बे मोनै ब्लाड ग्रुप गोनांफोरनि किडनीयावबो गोहोम गोग्लैनो हागौ आरु डायलिसिसनि गोनांथिबो जानो हागौ। बेनि सिगांबो क्लीनिकेल मेडिकेल डिजीज मुनि लाइसियाव फोसावनाय आन्जाद नायनायाव फोसावखांबायदि, ए ब्लाड ग्रुप गोनांफोरखौ अ रुजुनायाव कभिड-19 नि खैफोदाव गोग्लैनायनि गिथावनाया बांसिन जायो।

हागौ। अदेबानि डेनमार्कनि सावसियारि रजिस्ट्री डाटाआ 22 लाखनिखुइ बांसिन सुबुंफोरखौ सामलाइग्रा आफादफोरनि गेजेराव 4.73 लाखनिखुइ बांसिन करनाखौ नायबिजिनार जादों आरु बे नायबिजिनारनाय मोन्नाय बायदिब्ला, जेसेबां सुबुंफोरा करनानि इनफेक्सन जादोंमोन, बिसोरनि गेजेराव अ पजिटिभ ब्लाड गोनां सुबुंफोरा जोबोद

केरेलानि खन्थाइगिरि अच्युतन नंबुदरीआ ज्ञानपीठ बान्था मोन्नायनि सप्ताहथाम उनावनो जिउ गोमादों

त्रिचुर, 16 अक्ट'बर : मालयालम मुंदांखा खन्थाइगिरि आरु ज्ञानपीठ बान्थाजों मान मोन्नाय गिदिर खन्थाइगिरि अक्किताम अच्युतन नंबुदरीनि त्रिचुरनि गंसे गावयारि देहा फाहामसालियाव जिउ गोमायो। बिथाडाव 94 बोसोर बैसो जाबायमोन। देहा फाहामसालि सुलुडाव फोरमायनाय बायदिब्ला बैसोजों सोमोन्दो थानाय बेमारफोरजों भुगिनांनय अक्कितामखौ देहा फाहामसालियाव थिसन्दोंमोन। बिथाडा थानाय बृहस्पतिबार



फुनि 8.10 रिगायाव जोबथा हां लायो। बेनि उनाव पलक्कडआव थानाय बिनि नख 'रारि ओन्सोल पटांबीआव नाड लासे बेनि सिनसिखौ सिफायनो हागोन। चीननि हेंथायै बेयो मोनसे दावहा नांनय। बे बाजारनिफ्राय बोसोरफ्रामबो कौटि कौटि रानि फालांगि जायो। बे खेबनि दिवालीयाव बेसेनया बांनो हागौ, जायनि जाहोनाव सुबुंफोरा खरसाखौ खम खालामगोन।

सेप्टेम्बराव बिथानो बे बाभ्राखौ लिस्नाय जायफोरनि मादाव गं 45 आनो खन्थाइमोन। पच बान्थाजों मान बावजानाय अक्कितामआ साहित्य एकाडेमि बान्था, केरेल साहित्य एकेडेमि बान्था मातृभूमि बान्था, बायलर बान्था आरु कबीर बान्थाजोंबो मान बावजाखांबाय। मलायालमा खन्थाइनि लिस्नाय मक्कितामआ बे मुंदांखा बान्था मोनग्रा केरेलानि ड 'थि थुनलाइगिरि। बिनि बिसि श्रीदेवीआ थानाय बोसोराव थैदोंमोन। अक्किताम अच्युतन नंबुदरीनि मुंदांखा बिजाव 'इरुपदाम नुतनदीदे तिहसम' जाय बिजावफोरनि गेजेराव बयनिखुइ मोजोंमोनजासिनो। बिथानि माखासे मुंदांखा बिजावफोर खन्ड काव्य, कथा काव्य, चरित्र काव्य आरु मेथाइ। बिथाडा 1973 आव साहित्य एकाडेमि बान्था 1972 आव केरेला साहित्य एकाडेमि बान्था आरु 1988 आव केरेला साहित्य एकाडेमि बान्थाजों मान बावजादोंमोन।

অসম লোকসেবা আয়োগ
ASSAM PUBLIC SERVICE COMMISSION
 JAWAHARNAGAR, KHANAPARA, GUWAHATI- 781022
 NO.62PSC/E-3/2020-2021

NOTIFICATION

It is for information to all concerned that those applicants who have submitted multiple online application forms for the Combined Competitive (Preliminary) Examination, 2020 owing to wrong information provided in the application form are hereby allowed to delete/cancel the incorrect application(s). The applicants must submit the reason for cancellation of their application forms. The Online Recruitment Portal of the APSC (<https://apscrecruitment.in/>) will facilitate the cancellation of the incorrect application forms which the applicants can access after login to the said portal with their respective login credentials. However, the fees, if already paid will not be refunded under any circumstances nor will be adjusted/reserved for any other examination/post. The closing date of online form submission remains 25-10-2020. However the last date for payment of fees against online application is extended to 27-10-2020.

Sd/-
 Joint Secretary,
 Assam Public Service Commission,
 Jawaharnagar, Khanapara, Guwahati-22.
JANASANYOG/D/5862/20

नेरसोन

सोमखोर समायना महर मिथिंगानि सुबुंजों मंगलिय फोलेरनि थागिबि बुलुंथुर सेरफानि, बयनिबो न'खर-न'खर बारि-बागान फिथाय सामथायनि, बेयावनो थायो जों अराय जुगामि। गेलेयो रंजायो मिन खुसि गुबुनजों जाया दावराव-दावसि, बयनिबो न'खराव रंजा-खुसि दं सुखु गोजोननि बाखि। डिमापुर, माइबां, खासपुर नेरसोन बर' राजाफोरनि। गोथार थानसालि कामायख्खा बर' राजा नरकासुर लुनाय। गोमोराखें दासिम बैसागु दमासि रंजानाय सिबियो दासिम बाथो बोराय। गामिनि देरफुनाय लाइमोन सिख्खाफोरनि सालखुन्थाजों खुखाव-खुखाव सि दानाय। गामसा, दख'ना, आरनाय बेजोंनो नुयो जोंखौ देलाइ-मालाइ बेसे गोमोथाव बर'नि हारिमुवालाइ।

मुसि बिरखां नरजांरि

जोनोमनि उनाव

मोनदोंमोन आं सासे जोहोलाव हास्थायो बिखौ आं नाथाय बिहासो आंखौ मोजां मोनगोन मोना आं बिखौ जेबो मिथिया, बुंनो सानो बुंनो हाया नोंखौ लोगो हमनानै राइज्जलायइबाय थानो गोसो जायो नोंखौल' गोसोनि सानाय' हास्थायो नोंखौल' साया माया नुयो नोंखौल' मानोबा सानबाय थायो मावनायाव दांनयाव गोजोन गैला जानायाव लौनायाव सुग गैला सोर बिमाया जोनोम होखो नों अनजालुखौ हाय हाय गसाइ हाय हाय गसाइ फागिलि खालामबाय नोंनि महारा नोंखौनो मोनथोसै जोनोमनि उनाव जागोन आं नोंजोंनो जोनोमनि उनाव जुलि।

मिस समेला बसुमतारि गामि- निउ तितगुरि।

रंजालि गथ' फोरनि सौरा

सोर नों

मोनाबिलि समाव आइलि जाइलि खानाय ह'सारनाने सोर नों अनजालि? हारिसेंडे सायनासालियाव मानो? मानि जाहोनाव दुखुनि महर लाना जिरायना थारों नों? थारो नों मायागिरि नखथ' ? ओहो ओहो बियो मायागिरि जानो हाया, थारो नो बियो गावनि अनजालुखौ गोसोखाना हारिसेंडे सायनासालियाव जिरायबाय थारों। सोर नों अनजालि बरे जायगानि? फे फे दुखुथिया अनजालि दोनहैन नोंखौ नोंनि आंगो न'आव, खिन्थादोल' अनजालि सोर नों।

मुसि बिरदाव नरजांरि गामि- खारगाव ला.सो:- खारगाव जिल्ला-कक्राझार बितिस् (आसाम)।

गोदान मोखां गोदान सानसि आरो मुसि

मोदानायजों साजायफेरजायै अम्बासिनि उन्दुहाबनाय अखाडाव अखाफोरनि खौरांखौल' आं हास्थायोमोन मानोना आंनि अनजालिया अखाफोर महरै अखाफोरनिखुइबो गावदां माहि समाइनासिन थारमोन। अखाफोर महरै सानसे आंनि अनजालिया आंखौ नागरखालि आंथ' आं इनायनो गावखादोंमोन, बेसेरा जिनिरजों बांखबजानाय आंनि गोजाम गानदुआल'सो दाहा खालामफादोंमोन आंजों लोगोसे। आंनि अनजालिया अखाफोर महरै अखाफोर बायदिखायनो आंनि खाइमा अखांनि बाहागोआव आं लायोमोन अखाफोरनि' खौरां बिनखाइनो बिन मोखाडा जेब्लाबो गुफुर गावदां मिनिसोरामोन। अखाफोर' अखाफोर बायदिनो दंथायो दाबो अलंबार हाथखिंआसो आंजों खौरां लाजायैनि आंखौ खुद्रिनानै सोंखारिब्ला आं बिखौनो बुडेमोन बिखा बुनानै नोंसोर आंनि अखाफोरजों रुजुजाया नाथाय आंनि फोथायथिनि फिन्नायखौ मोदैजों मुसिनाय गान्दुआ सानफा-मोनफा होदोंमोन.....। अब्ला आं खालि गावनानैल' नायदावजोंमोन उखुम गब्लंजों अलंबारनि गोदान मोखां आरो हाथखिंनि गोदान सानसि आरो मुसि।

मोगथां बसुमतारि गामि- सा देउलगुरि, सिरां बितिआर

12 रोजा कि:मि: बिरनानै वर्ल्ड रेकर्ड खालामदों गडबिट दावआ

गोदान दिल्ली, 16 अक्ट'बर : बार टेल्ड गटबिट मुनि दावआ थाथवाजासे 11 सानआव 12 रोजा कि:मि: गोजान अलास्का निफ्राय निउजिलेन्डसिम बिरनानै वर्ल्ड रेकर्ड बानायबाय। बे गोलाव बिरनायाव दावआ जेबो जायाखें आरो लोडाखेबो। दावखौ ट्रेक खालामनो थाखाय बिगियानगिरिफोरा दावनि मोदोमआव सेटेलाइट टेग लगायदोंमोन। माइग्रेसननि सायाव रिसार्च खालामग्रा बिगियानगिरि डा: जेसी कन्कलिनआ बुंदोदि, गडबिट दावआ दावहा नोंग्रा उरां जाहाज बायदि आरो गोलाव गोलाव गांआ बारहावायाव गोखे बि रनो गोहो होयो। बे दावआ 16 सेप्टेम्बरआव बिरजेन्दोंमोन आरो बिरनायनि सिगांआव नै दान एम्फो एनला आरो रुटि जादोंमोन। बे दावआ घन्टयाव 88 कि:मि: गोखेयै बिरनानै 27 सेप्टेम्बरआव निउजिलेन्डनि



वर्ल्ड रिकॉर्ड बनाने वाली चिड़िया

16 सितम्बर : अमेरिका के अलास्का से उड़ान भरी

उड़ान भरने पर अंगों को सिकोड़कर शरीर छोटा कर लेती है गॉडबिट चिड़िया, इसी सूबी के कारण लगातार 11 दिन तक उड़ती रही

27 सितम्बर : न्यूजीलैंड के ऑकलैंड पहुंची चिड़िया

अकलेन्डआव सौफे दों। बिगियानगिरिफोरनि बादिब्ला, बे दावआ बिरनाय समाव गावनि मोदोमखौ फिसा खालामना लायो बेनि जाहोनआव अखाडाव बिरनाय समाव बेनि मोदोमआ हायाव थानायनिखुइ फिसासिम जायो। बेनो बिरनाय समाव खामानियाव हायो। 2007 आल 1 र क ि न ि फ ि य निउजिलेन्डसिम 11,45,98 कि:मि: गोजान बिरनानै रेकर्ड बानायदोंमोन। बावैसो सम सिगां रेकर्डनि थाखाय मा 20 नि मादाव मा 4 गडबिट दावआ सायख'जादोंमोन। गटबिट दावनि लेरथाया 230-450 ग्राम जायो। बेनि गांखंआ

70-80 सेन्टिमिटर जायो। मासे बैसो दानाय गडबिट दावनि गोलावआ 37-39 सेन्टिमिटरसिम जायो। बे रोखोमनि दावखौ गाहायै आलास्कायाव मोन्नाय जायो नाथाय माइग्रेसननि थाखाय अस्ट्रेलिया आरो निउजिलेन्डआव बिरबाय हैयो।

मुसि उत्तम कुंगुर नरजांरि जि के एकाडेमी दत्तमा

मानालीनि मोन 5 थावनिया दावबायनायनि थाखाय मोजां



गोदान दिल्ली, 16 अक्ट'बर: दिल्ली आरो खाथि खालानि ओन्सोलाव थाग्रा सुबुंफोरनि फेभारेट डेस्टिनेसन्सनि गेजेरव मोनसे मानालीआ। बेवहाय गोबां सुबुंफोर दावबायनो फेयो। 1. मानालीनि खाथियाव थानाय बशिष्ट ओन्सोला समायना जानायजों लोगोसे गोजोनबो। बशिष्टखौ दावबायनाया मोजां एक्सपेरियान्स फोरमान जागोन। मानालीनिफ्राय 19 कि:मि:



गोजानआव थानाय रावि देमानि बोसिमायाव दं बे गामिया। जायखौ दंबुद दे बोहैनाय आरो मन्दिरनि थाखाय मोनथिनो मोन्नाय जायो। बेवहाय गोजान गोजाननि सुबुंफोर दुगैनो थाखाय फेयो। मानोना गोदो गोदायनिफ्रायनो मानिना सोलिबोनाय दंदि, बेवहाय दुगैब्ला

देहानि माखासे बेरमया जानगर जायो होन्नानै। 2. जुदि मानालीनि खाथि खालायाव एडबेन्वार एक्सप्लर खालामनो गोसो जादोंब्ला जिभियाव दावबाय हैनांगोन। मानालीनिफ्राय 3 घन्टा झइभ खालामनानै बेवहाय सौहैनो हागोन। बन्द' समाव गोबां सुबुंफोर मानालीयावनो दावबाय हैनानै बेवहायनो थावथानानै



थायो। बेनि थाखायनो जिभि जायगायाव गोबां सुबुंफोरनि होंगो दोंगो जानायखौ नुनो मोन्नाया। बे जायगाया रंजा बाजा खालामनो थाखाय मोजां जायगा। 3. मानालीनिफ्राय रहतांगसिम थानाय लामायाव मोनसे समायना गामि दं। काश्मीरनि राजा गुलाब सिंनि मुडाव बे जायगानि मुडा गुलाबा जादों। सोमखोर बिफां-लाइफां, देमा-दैसा आरो नीला गाबनि अखांमायाव जोमै खोबफबना थानाय बे जायगाखौ समायनासिन खालामदों। दावबायनायजों लोगोसे पिकनिकनि थाखायबो बे जायगाया मोजां। बेवहाय



पेराग्लाईडिं आरो स्कीईनि रंजानाय बाजानायखौबो लानो हागोन। 4. मानालीनि एसे गोजानयाव थानाय जगतसुखयाबो मोनसे मोजां जायगा। बेवहाय बन्द'नि समाव रंजा बाजा खालामनो हागोन। नगर कैसलनि थांग्रा लामायाव बे जायगाया दं। बेवहाय गंसे समायना मन्दिर दं। बेवहाय नयाव बानायनाय मुवा बेसादखौबो बायनो हागोन। 5. नगरनिफ्राय सान ओंखारनाय आरो हावनायखौ समायना नुयो। बेवहायनि आर्ट गेलारिआ गोबां मुंदांखा। बेनि अनगायै बेवहाय बेकारनि बानायनाय मोजां प्रडाक्टखौ मोन्नो हायो।



मुसि थनिजा ब्रह्म थावलिगुरि एम बि स्कुल थाखो- जि (10) गामि- डालवाबारि जिल्ला- कक्राझार (बड'लेण्ड)।

आं लिरगोन

आं खन्थाय लिरगोन आं सल' लिरगोन आं बायदि बायदि लिरगोन। आंनि खन्थाय रायथाय सल, लिरनायफोरा सतिस चन्द्र, रुपनाथ ब्रह्ममोननि बायदि जायाब्लाबो आं लिरगोन आं मेंया आं आजिया। मालाया जेखि बुड मालाया जेखि होना आंनि खन्थाय रायथाय सल' लिरनायफोरखौ। आं फासया आं नागारा आंनि खन्थाय रायथाय सल' लिरनायफोर गुबै जायाब्लाबो। आं लिरगोन आं लाजिया आं मेंया आं थार'आ। मालायहा जेखि बुड मानो थेवबो आं फासया आं नागारा।

मुसि मिथिसार नरजांरि उमानन्द गोजौ फरायसालि थाखो- गु (9) गामि- सेसाफारा (हालां बाजार)।

सालबारिनि मतनगुरि बियाबआव इउ पि पि एलनि बिसायख 'थि फोसावदिं मेल

मोनसेनि उनाव गुबुन मोनसे अजद खालामदों । इउ पि पि एलनि आफादगिरि प्रमद बर 'आ गावनि बिबुंथियाव बुडोदि, थानाय 17 बोसोराव बि टि सिनि मोनसेबो हारि-हारिसाफोरानो गोजेज्नाय गैया । मोनफ्रोमबो हारि-हारिसानि सुबुं जौगानायनि थाखाय फैनाय सरकारि धोनफोरखौ बि पि एफ दोलौनि दैदेनगिरि आरो मावफारियाफोरा धोन लुथिनानै खुंथायखौ थेर-बेथेर खालामदों होन्नानै अजद खालामो । हाग्रामा महिलारिनि दैदेनाय बि पि एफ सरकारनि एबा दोलौनि दैदेनगिरि आरो बिबानगिरिफोरा सरकारि बिथांखिनि धोनफोरखौ लुथिदों । एन्रेगा, एम जि एन आर इ जि ए बिथांखियाव थिसनजानाय जब कार्ड श्रमिकनि धोन, बोराय पेन्सननि धोन, रान्दि पेन्सननि धोन, सेल्फ-हेल्फ युपनि धोन, सानजौफु जाग्रा आदार जगायथाय बिथांखिनि धोन, अंगनबादि मिरुनि गथ 'सा आदार जगायथायनि धोन, आबादारिफोरनि थाखाय फैनाय मदतनि धोन बायदि गोरिबफोरनि थाखाय फैनाय बिथांखिफोरनि रांफोरखौ हाग्रामा महिलारिनि दैदेनाय बि पि एफ दोलो-सरकारि बिबानगिरिफोरा जानानै हजम खालामदों । बि टि सियाव बि पि एफनि सुबुं थान्दे, दोलौनि दैदेनगिरिनि सोमोन्दोयारि जानाय सुबुंफोराल 'सो साखि मोन्दों होन्नानै गोखों अजद खालामबावनायजों लोगोसे गोजौ सोलौंथाय लानाय लाइमोन सेंग्रा-सिख्लाफोरा रां होनो हायैयाव साखिरनिफ्राय जानगारनानै थानादों होन्नानै बुंबावो । महिलारिनि दैदेनाय बि पि एफ दोलौनि सरकारि सभाव बेफोर गासैबो बेले-बेजे आरो खान्थि गयै खुंथायनि थाखायानो दिने बि टि आरनि मोनफ्रोमबो हारि-हारिसानि सुबुंफोरा बे खेबनि बिसायख 'थियाव बि पि एफ हान्जाखौ बोखारनो थियारि जादों । बि टि आर गोरोबथानि गेजेरजों दफाफोरखौ नोजेर होनानै, इउ पि पि एल दोलौनि आदर्श आरो नीतिनि मोनफ्रोमबो आयदानि सायाव सुबुंफोरा थुलुंगाखानायजों बि टि आरनि गासै 35 लाख राइजो-राजाफोरनि गेजेराव 14 लाख भटारफोरा इउ पि पि एल दोलौनि सोद्रोमाफोरखौ देरहाहोनायनि थांखिजों हान्जायाव हाबफैगासिनो होन्नानैबो रायखाडे । बि टि आरनि मोन 40 बियाबआवबो राइजो-राजाफोरा दासान्दि दोलै-नोगोरै इउ पि पि एल दोलोखौ हेफाजाब होनो सिगांबोनायखौ नोजेर होनानै बे खेबाव इउ पि पि एल दोलोया बि टि आर खुंथायखौ दखल खालामगोन होन्नानै प्रमद बर 'आ दाबि खालामदों । बर 'आ गावनि बिबुंथियाव बुंबावोदि, बि पि एफ, गन सुरक्षा पारटि बायदि दोलोफोरा बि टि आरआव राइजो-राजाफोरखौ राजखान्थिनि मोन्थाय, हा मोन्थायफोरा गोमागोन होन्नानै जैरेबायदि नंखाय बांसावदों बेयो ओन्सोलनि गोजोनै थानाय राइजो-राजाफोरनि गेजेराव मोनसे गुलाय-गुजाय खालामनो नाजानाय मोनसे सोलो-बोलोसो होन्नानै बुडे । बि टि आरआव गोदान गोरोबथा बादि्यै ओन्सोलनि मोनफ्रोमबो हारि-हारिसाया राजखान्थिनि मोन्थाय, हानि मोन्थायव जायगा मोनगोन । फैगौ सनफोराव बि टि आरआव इउ पि पि एल दोलोया सरकारि दाखानायनि उनावनो मोनफ्रोमबो हारि-हारिसानि हानि मोन्थाय, राजखान्थि मोन्थायखौ रोखा खालामना हागोन होन्नानै गावनि बिबुंथियाव फोसावयो । लोगोसे बि टि आरआव दासान्दि 40 बियाबनि सोलायै 60 बियाबसिम बारायनाय जागोन होन्नानै रायखाना इउ पि पि एल दोलौनि आफादगिरि बर 'आ बुंबावोदि, जायखि-जाया हारिनि सुबुंफोरानो सैरखाथि नडै बियावफोरावबो बिसायख 'थि गेलेनो हागोन । बेनि गेजेरजों मोनफ्रोमबो हारि-हारिसायानो राजखान्थिनि मोन्थायखौ मोन्ो हागोन । बेबायदिनो हा मोन्थायनि बिथिडवबो मोनफ्रोमबो हारि-हारिसानि थान्देफोरखौ लोगोसेयै लाना बि टि आरआव मोनसे लेन्ड एडभाइजारि बर्ड दाफुनाय जागोन होन्ना फोसावयो । फासैथि बि पि एफ दैदेनाय सरकारा सिगाडव बेबायदि आइनखौ आजावनानै लायाखै होन्ना अजद खालामनानै प्रमद बर 'आ हा मोन्थायनि बिथिडव मोनफ्रोमबो हारि-हारिसायानो समान मोन्थायखौ मोन्ो हागोन होन्नानै मिथिहोबावदों । मख 'नो गोनान्दि, गांगामाराजों लोगोसे निमुवा बाथौ आश्रम आरो लाबदांगुरियावबो आलादा आलादायै खुंनाय गुबुन मोनै इउ पि पि एल दोलौनि सुबुं मेलयावबो दोलौनि आफादगिरि प्रमद बर 'जों लोगोसे सालबारि बियाबनि बिजाथि बिनद मसाहारि, मतनगुरि बियाबनि बिजाथि साहजान आलि आहमेद, इउ पि पि एल दोलौनि मिरु दैदेनगिरि हानिफ आलि आहमेद, शिलाराय बसुमतारि, बिउटि बसुमतारि, मुर्सिदा बेगम, यगेस्वर बसुमतारि, फाकवुंगुर फैला जे बराग्यारि, एयाद अलि, बाथौ महा सभानि मिरु गाहाय नेहाथारि बसन्त शर्गियारिआबो मेलयाव बिबुंथि लाखिनायजों लोगोसे गुबुन गुबुन दैदेनगिरिफोराबो बाहागो लादोंमोन । फासैथि निमुवा बाथौ आश्रमआव खुंनाय मेलयाव प्रमद बर 'जों लोगोसे इउ पि पि एल दोलौनि बिजाथिखौ बरायनाय जायो । बेनि अनगायैबो लाबदांगुरियाव खुंनाय मेलयाव सा 65, गांगामारायाव खुंनाय मेलयाव सा 52 गासै 117 सुबुंफोरा बि पि एफ, गन सुरक्षा पारटिनि हेफाजाबगिरिफोरा इउ पि पि एल दोलोयाव हाबफैयो । ॥

फैगौ 10 डिसेम्बराव मुंख्लं गोसोखांथि खाम्फा लुनायनि हाबाखौ गिबि मन्थिआ बेखेवनानै होगोन

मावख 'याव बे हाबाफारि लानायनि सोमोन्दोयाव सावरायज्लायनानै गिबि मन्थि सर्बानन्द सनवालआ मुंख्लंफोरनि बिहोमा होलांनाया जाहाथे एरैनो थाड बेनि थाखाय बे गोनं हाबाफारिखौ लानानै गासै जाथायफोरखौ मोगथां महराव बेरखांहोनो आरो मावफुंनो थाखाय बिफानखौ बिथोन होदों । मुंख्लं गोसोखं लुफुनायनि थाखाय पि डक्लिउ डि बिफानखौ मोनफ्रोमबो बिथिडववनो गोनंथार बिबान लानानै मावफुंनो थाखाय गिबि मन्थि सनवालआ बिथोन होयो । बे गोसोखांथिया जाहाथे खौसेथि आरो गुबुन बिथिडव आवगायनो हानायजों लोगोसे मुंख्लं गोसोखं पार्कआ राइज्योनि गेजेराव सुबुंफोरखौ थुलुंगाखं होनो हायो बे बिथिडव गोसो होनानै गोनंथार बिफाव लानानै खामानि मावनो बिफानखौ बिथोन होदों । मख 'नो गोनान्दि, आसाम सरकारआ कामरुप नोगोरमा जिल्लानि सोनाब बरागावआव खमैबो 100 बिघा हायाव गासै 47 कौटि रां बाहायनानै बे कमप्लेक्सखौ मावफुंनो हाबाफारि लादों । फासैथि आसाम सोमावसारनायनि गासै जाथायफोरखौ जथायनानै फोसावनो गोनं लाइसिया आसामनि हारियारि सुबुं जिउनि फासै गोनंथारै मिथिहोनो हायो आरो बे जाथायफोरनि सायाव गुवारै नायसनो हानायनि थांखिजों बेफोर गासैनिबो सायाव लाइसिखौ दिहुन्नो थाखाय सुजु आफादनिंसिम गिबि मन्थिआ गोनंथारै बेरखांहोनो बिथोन होदों । गिबि मन्थि सनवालआ आसाम गोरोबथानि 6 नं दफाखौ मावफुंनायनि बिथिडव थानाय 2016 माइथायनिफ्राय दासिम आसाम सरकारआ आजावना लानाय मोनफ्रोमबो हाबाफारिखौ लानानै मोनसे बिजाब दिहुन्नो थाखायबो बिफानखौ बिथोन होदों । गिबि मन्थिआ बुडोदि, आसाम गोरोबथानि मोनफ्रोमबो दफाफोरखौ जाहाथे फारि-फारियै मावफुंनो हायो आरो असमीया हारिनि सार्थ आरो जौगाखांहोनाय बिथिडव आसाम सरकारआ बिबान गोनं । आसाम गोरोबथानि गेजेरजों राइज्योयाव फर्सनाय गुबुन गुबुन फर्सनाफोराबो जाहाथे मिजिंथिजानाय बादि जाफुंसारनो आरो आवगायनो हायो बेनि थाखायबो आसाम सरकारआ गोनंथारै राहा लानो गिबि मन्थिआ बिथोन होयो । गिबि मन्थिआ लोगोसेयै बुडेदि, आसाम गोरोबथा बादि्यै बडइगाव जिल्लानि यगिगफायाव फर्सनाय आरो दासान्दि बन्द जानानै थानाय अशक पेफार मिलनि जायगायाव मिरु सरकारनि हेफाजाबाव आसाम सरकारआ फैगौ 20 अक्टबराव माल्टि मडेल लजेस्टिक्स पार्क लुपुंन्या हाबाफारिखौबो जागायजेनगोन । अशक पेफार मिलनिखुइ खमैबो 10 गुन बारा बे कमप्लेक्सआ दुलाराय आफां आसामनि रांखान्थि बिथिडव मोनसे गोनंथार बिफाव लाबोगोन होन्नानै रायखाना गिबि मन्थि सनवालआ बुडेदि, फालांगि आरो दारिभिनिनि बिथिडव बे लजेस्टिक्स पार्कआ गोनंथार बिफाव लानायजों लोगोसे सुबुंफोरखौ खामानियाव थिसन्थायनि मोनसे गोदान खाबुखौ सोरजिनो हागोन । दिनेनि बे गोनं जथुमनायाव गिबि मन्थिनि मिडिया बोसोनगिरि ऋषिकेश गस्वामी, गिबि मन्थिनि आइन बोसोनगिरि सन्तानु भराली, नख 'र बिफाननि उप्न सिफ सेक्रेटारि जिष्णु बरुवा, नख 'र बिफाननि गाहाय सेक्रेटारि ग्याननेद्र त्रिपाति, गिबि मन्थिनि जर 'खा बिथोनगिरि रन्जन चक्रबर्ति, आसाम गोरोबथा मावफुंथाय बिफाननि फोनांजाब नेहाथारि जयन्त गस्वामी, पि डक्लिउ डि बिफाननि सिफ इन्जिनियार, आसाम सोमावसारनायनि सोमोन्दै सेबखानो लानाय फोरमान लाइसिनि सुजुगिरि दिगन्त उजजौं लोगोसे माखासे गोजौ थाखोनि बिबानगिरिफोराबो बाहागो लादोंमोन ॥

मुलुगनाडै करना सन्देरनाय सुबुंफोरनि बिसानआ 3.92 कौटिसिम बांहैबाय

बिसानआबो 2 कौटि 94 लाख 23 रोजा 118 सिम जाबाय । बेराफासँ दुखुनांथाव बाश्रादि बे भाइरासजों गाग्लोबजानानै मुलुगनाडै दासिम सा 11.04 लाख सुबुंफोरा जिउ गोमाबाय । मख 'नो गोनान्दि, आमेरिकायाव करना सन्देरनायनि थाम्थि खोलोबआ जागायहंबाय । बे हादरआव शुक्रबारखालिसिमाव सन्देरनाय सुबुंफोरनि बिसानआ 82.16 लाखनि बांसिन जादों । निउयर्क टाइम्सनि बादिक्ला, एक्सपार्टफोरा बे थाम्थि खोलोबसिम सौहैनायखौ लानानै आमेरिकानि थाखाय जिगासिनो गोनं जानायखौ फोरमायदों । मानोना हादरनि दर 41 राइज्योफोराव करना सन्देरनाया गोखोडे बांगासिनो दड। एरैहाय वर्ल्ड हेल्थ अर्गनाइजेसन आरो जन्स हर्पकिन्स इउनिभासिटिनि रिपर्ट बादिक्ला, इउरपआव गोदानै करना सन्देरनायनि बेलायाव आमेरिकानि रुजुनायाव बांसिन ।आमेरिकायाव थानाय 6 निफ्राय 13 अक्टबरनि गेजेराव जेसेबां करना सन्देरनाय मोन्ो हादों बेखौ रुजुनानै नायोब्ला इउरपनि बांसिने गोहोम गोग्लैनाय दर 5 हादरफोराव 42 जौखोन्दोनि बांसिन करना सन्देरनायखौ मोन्ो हादों । बेराफासँ भारत हादरनि बाश्रा रायखाडेक्ला दासान्दि बावैसो सानफोरनिफ्राय हादरआव करना सन्देरनाया बाडइ जाबोबाय थादों आरो फाहामथाय लानानै गाहामआव फैफिन्नायनि हारआबो बांसिन जाबोदों । दिनें फोसावनाय मोनसे गोदान रिपर्ट बादि्यै दासिम हादरआव 73 लाख 65 रोजा 509 सुबुंफोरनाव करना पजिटिभ मोन्ो हाखांबाय । बेनि गेजेराव 8 लाख 3 रोजा 524 सुबुंफोरखौ फाहामथाय होगासिनो आरो 64 लाख 48 रोजा 658 सुबुंफोरा फाहामथाय लाखानायनि उनाव मोजां हालोदआव फैफिन्बबाय । बेराफासँ बे गिख्थाव भाइरासजों भारतआव दासिम सा 1 लाख 12 रोजा 146 सुबुंफोरा जिउ खहा जाबाय ॥

दावहा दोन्थनाय मोन 5 आदिबाशि आफादनि दैदेनगिरिफओरा गिबि मन्थिखौ लोगो हमहैदों

साबायखर जासिनायजों लोगोसे आदिबाशिफोरनि दाबिबोनाय एसटि खालामनायजों लोगोसे गुबुन माखासे आयदानि सायावबो समाधान खालामनायनि बाश्रा होनायाव गोजेज्नाय फोरमायो । आदिबाशिफोरखौ आसाम आरो असमीया हारिनि मोनसे फोथायजाथाव हारिसा होन्नानै रायखाना मिरु सरकारजों थाम खनायारि सावरायनायनि फासँ राहा लानो गिबि मन्थि सनवालखौ खावलायो । आदिबाशि आफादफोरनि दैदेनगिरिया एसटिजों लोगोसे आदिबाशिनि थाखाय गोथौ ओन्सोलफोराव नारिँस फरायनायनि सोलौंथाय फर्सथान, गोजौ सोलौंथाय फर्सथान, आदिबाशि ओन्सोलनि भेन्सार फरायसालिफोरखौ सरकारि खालामनो दाबि दैखानायजों दिनेनि बेफोर आयदानि सायाव गुवारै सावरायज्लायनाय जायो । गिबि मन्थि सनवालआ आदिबाशि आफादनि थान्दै हान्जानि दैदेनगिरिफोरनिंसिम बुडेदि, आसाम सरकारआ राइज्योनि मोनफ्रोमबो हारि-हारिसानि मोन्थाय आरो रैखाथिनि सार्थआव मावफुंनायनि फासँ बिबान दं । लोगोसे मोनफ्रोमबो हारिफोरनि जौगालु खामानिफोरखौ मावबोगासिनो दं होन्नानै गिबि मन्थिआ गावनि बिबुंथियाव मिथिहोयो । आदिबाशिफोरा आसामनि हारियारि सुबुं जिउनि गोनंथार अगं आरो बिसोरनि जेंनाफोरखौ समाधान खालामनायनि थाखाय आसाम सरकारआ बिबान लादों होन्नानै बुंबावो । लोगोसे आदिबाशि आफादफोरनि दाबि खालामनाय आयदाफोरखौ मावफुंनायनि बाश्रा होदों गिबि मन्थि सनवालआ । दिनेनि बे जथुमनाय मेलयाव गिबि मन्थिनि मिडिया बोसोनगिरि ऋषिकेश गस्वामी आरो माखासे सरकारि बिफाननि गोजौ थाखोनि बिबानगिरिफोराबो बाहागो लादोंमोन ॥

फरायनायाव जोबोद लोरबांब्लाबो नीट आन्जादआव टप सारिआव उथ्रिनानै जाफुंसारनाय मोन्ो हादों

नम्बर लानानै उथ्रिसारनो हानाय गिबि फरायसा जानो हादों । ब्विनि सिगां रावबो फरायसाफोरा 100 जौखोन्दो नम्बर मोन्ो हाफेराखेमोन । सएबआ 720 नम्बरनि गेजेराव 720 नम्बर लानो हादों । खौरां बिजौनिफ्राय मिबथिनो मोन्नाय बादिक्ला, सएबआ गावनो फोरमायदोंदि, फरायनाय बिथिडव गाव सिगां समाव एसेबां मोजांद्राय नडमोन आरो गोसो गैयै जोबोद लोरबांमोन । नाथाय उनाव मालायनिफ्राय थुलुंगा मोन्ानै फरायनायाव गोसो होयो आरो नांथाबो । जायनि थाखाय दिनेनि बे नीट आन्जादआव जाफुंसार फिथाइखौ मोन्ो हादों ॥

गसाइगावआव थिर-जुवानि हेंथायै महकुमा खुंथायनि गोखों राहा

नायबिजिन्याय हाबाफारि बान्जायनायनि गेजेरजों बे रोखोम समाज बेरेखा खामानिजों लोब्बा थानाय सा 5 सुबुंफोरखौ खानायजों लोगोसे नोगोद रां जब्द खालामनो हायो । पुलिसनि सुलुंनिफ्राय मिबथिनो मोन्नाय बादिक्ला, टीर, जुवा आरो लटरौ खेलाजों लोब्बा थानायनि दायाव खाजानाय सुबुंफोरखौ मानिक चन्द्र बर्मन, जहिरुल इस्लाम, प्रदिप पाल, हपा माईडि, गपाल चन्द्र दास आरो विक्रम नार्जारि होन्नानै सिनायथिनाय जादों । बिसोरनिफ्राय टीर, जुवायाव बाहायग्रा गोवां नोगोद रांखोबो बोखांनो मोन्दों होन्नानै पुलिसआ मिबथिहोबावदों ॥

जुलि लानो हानायनि बैसो सिमनाखौ सोलायनायनि गेनांथि दडः गाहाय मन्थि

लोब्बायै खुंनाय मोनसे हाबाफारियाव बे गोनं बाश्राखौ बुंथियो । गाहाय मन्थिआ बे हाबाफारिनि लोब्बायै 75 रांनि खावरिखौ फोसावनाय जायो । लोगोसे जौगाखानाय मोन 8 आबाद दिहुन्थायनि मोन 17 अर्गानिकखौ जुथाय हादतनो होनो हादों । गाहाय मन्थिआ बे समनि बिबुंथियाव मोजां नडै आदारनि हेंथायै सरकारनि गेजेरजों आजावना लानाय हाबाफारि आरो आबादनि फासँ राहा लानाय सोलायनायखौ लानानै हादतया गावनि बाश्राखौ गोजोरै लाखिदों आरो बुंबावोदि, हादतयाव गोखै सोलायनो थंगासिनो दड्दि, जेराव अर्गानिक आदार रैखाथिनि मोनफ्रोमबो बिथिडव भारतनि होबथानायखौ नुनो मोन्दों । गाहाय मन्थिआ बुडेदि, दासान्दि भारत सरकारआ आबाद सोलायनायनि बिथिडव मोनथाम गेदेर आइनखौ आजावना लादों । बेनि थांखिया हादतनि आबाद खोन्दोयाव आबादारिफोरनि आरजिनाय आयखौ बारायहोनायाव मोनसे गोनंथार आगान होदों । गाहाय मन्थिआ बुडेदि, आबादारिफोरखौ गोनांथि जानायनि से खावसे गुन बेसेन मोनहोनो हादों । बेनि थाखाय गोबां हाबाफारि लानाय जादों । बिथाड बुंबावोदि, बेफोर सोलायनायनि गेजेरजों आबादारिफोरखौ बांसिन खाबु होनायजों लोगोसे आइननि गेजेरजों सरैखाथि होनायनि फासँबो खामानि मावनाय जादों । गाहाय मन्थिआ बुंबावोदि, एम एस पि आरो सरकारा बायनायाव हादतनि आदार रैखाथिनि गोनंथार बाहागो दं । बेनिखायनो बेनि बिगियानारि आदबजों मोजांनिफ्राय मोजांसिन राहा खालामनायजों लोगोसे साबसिन राहाखौबो थिसनजानायनि थांखि लानानै बे हाबाफारिखौ सिगाडवबो सोलिहोबाय थानानै सामलायनायखौबो हास्थायदों । गाहाय मन्थिआ बुंबावोदि, बे राहाया थानाय गोलाव बोसोरनिफ्रायनो हादतयाव सोलिबोगासिनो दं जेराव गावनि मोनसे सिनायथि आरो गावनि गोहोयाबो दं । थानाय 6 बोसोराव आबाद जौगानायनि थाखाय आजावना लानाय हाबाफारिखौ रायखानानै गाहाय मन्थिआ बुडेदि, बेनि थाखाय दासिम नै खावसे रोजा कौटि रांनिखुइबो बांसिन इनभेस्टमेन्ट खालामनो हादों । थानाय बावैसो साननि गेजेराव मोनथाम गोदान आबादनि आइनखौ आजावना लानायजों हादतनि आबादारिफोरा गोदान खाबुफोरखौ मोन्ो हागोन । हादतनि फिसा-फिसा आबादारिफोरनिंसिम सौहैनो हायैनि जाहोनाव सिगाडव आबादारिफोरा बायदिसिना फालांगिनि गेजेरजौंनो लोरबां नोजेराव सोलिबोनो गोनं जादों । नाथाय बे गोदान आबादनि आइनजों फैगौ समनिफ्राय बाजार आरो फिसा-फिसा आबादारिफोरनिंसिम सौहैनो हागोन होन्नानै गाहाय मन्थिआ मिजिंथि लाखियो । गावनि बिबुंथियाव आबादनि गुबुन गुबुन दिहुन्थायफोरखौ रायखानानै गाहाय मन्थिआ बुडेदि, गोदान आबादनि आइन आजावना लानायजों फैगौ समनिफ्राय गामियारि ओन्सोलाव साबसिन आबाद खोन्दोखौ खालामनायनि थांखिजों सरकार आरो गुबुन बिथिडवबो सुबुंफोरा मोजां साबसि मोन्ो हागोन । लोगोसे सरकारा थानाय बावैसो साननि गेजेराव 1 लाख कौटि रांनि जौगाखां फान्डखौबो बेखेवनाय जाबाय । बे फान्डजों ए पि अ'खौ गामि ओन्सोलाव दैथायहरनो थाखाय थियारि खालामनाय जादों होन्नानै बुडे । भारतया फैबाय थानाय बोसोरफोराव दरसे आबादनि गोहो थानाय हादत जागोन होन्नानै बुडे आरो सुबुंफोरनि आबाद खालामनाय खोन्दोखौ साबसिन खालामनायाव सरकारआ जाफुंसारगोन होन्नानैबो गाहाय मन्थिआ बुडे । गावनि बिबुंथियावनो गाहाय मन्थिआ मोजां नडै आदारनि फासँ होबथानायनि थाखाय गुबुन मोनसेबाव गोनंथार हाबाफारि लानाया सोलिगासिनो होन्नानै बुडे आरो बे हाबाफारिनि गेजेरजों हादतयाव प्रटिन, आइन, जिं बायदि थानाय मैगं-थाइगं एबा आबादनि दिहुन्थायखौ बांसिन खालामनायाव गोसो होदों । मख 'नो गोनान्दि, कभिड-19 नि गिथावनायै गोसारनाय थासारियाव मिरु सरकारा सुबुंफोरनो बेसेन नाडै मायरं आरो जाग्रा मुवा-बेसादफोर रान्नानै होनाय हाबाफारि लानायखौ रायखानानै बुडेदि, गोबां सान्नाय आरो बिजिरनायनि गेजेरजों भारतयाव थानाय 7-8 दाननिफ्रायनो खमैबो 80 कौटि गोरिब सुबुंफोरखौ जानाय आदारनि आंखाल नुजाथिनायनिफ्राय उदां खालामनो हादों । बेजों लोगोसे भारतनि आबादारिफोरा फैगौ समाव थानाय बोसोरफोरनि दिहुन्थाय रेकर्ड'खौ बारनो हागोन होन्नानै मिजिंथियो ॥

कार्बिआंलनि बर 'फोरनो एसटि (हिल्स) होनो थाखाय एबसुआ मिरु सरकारखौ नारसिनगासिनो:दिपेन बर'

फोरेंगिरिफोरखौ लानानै मोनसे गोनंथार सावरायमेलआ जानानै थाडे । कार्बिआंलं जिल्ला एबसुनि आफादगिरि जनास बसुमतारिनि मासि सामलायनानै दैदेनाय बे सावराय मेलआव बिटिआर गोरोबथानि 6.3 दफायाव मख 'नाय बादि्यै बिटिआरनि बाइजोआव थानाय बर' बिजौनि भेन्सार गुदि, गेजेर, गोजौ फरायसालि आरो गोजौसिन गेजेर फरायसालिजों लोगोसे फरायसालिमाफोरखौ सरकारि खालामनायनि सायाव गुवारै सावरायनाय जायो । मिरु एबसुि न बारा' लेडइ आफादगिरि रमिअ पि नार्जारिनि गेवलां मेल बेखेवना होनाय बे सावराय मेलआव गाहाय आलासि महरै बाहागो लायो-दुलाराय बर' फरायसा आफादनि आफादगिरि दिपेन बर'आ । गाहाय आलासि महरै बाहागो लानानै एबसुनि आफादगिरि दिपेन बर'आ गावनि बिबुंथियाव थानाय गोलाव समाव बर' हारिनि खौसेथि, सिनायथि, थामोन्था आरो रैखाथिनि थाखाय आलादा राइज्योनि सोमावसारनायाव अराय सम एबसुखौ साया महरै मदद होबोबाय थानायनि थाखाय राइजो-राजाफोरनो साबायखर बाउग्रोनानै बिथाड बुडेदि, बिटिआर गोरोबथाखौ बोहैथि बोसोरनि थानाय 27 जानुवारौ अक्टखालि एबसु, एनडिएफबिनि मोनब्रै हान्जा आरो इउबिपिअआ आसाम सरकार आरो भारत सरकारजों जाय थांखिखौ लानानै खालामनाय जादोंमोन बे थांखिनिफ्राय इयुनआवबो माब्लाबाबो दोरोदनाय नड। एरैहाय कार्बिआंलनि बर 'फोरनो एसटि (हिल्स) होनांगौ होन्नानै बिटिएडि गोरोबथायाव मख 'नाय दडडमोनब्लाबो थानाय 17 बोसोरआव बेखौ मावफुंनाय जायाखिसै । बेनिखायनो कार्बिआंलं जिल्लायाव भारत उदांसिनि सिगांनिफ्राय राइज्यो जाबोनाय बर' फिसाफोरा जाहाथे एसटि हिल्स लानानै भारतनि संबिधानआव होनायबादि कार्बि हारिफोर बादिनो समानै आवगायनो हायो बेनि थाखायनो बिटिआर गोरोबथानि 6.1 दफायाव मख 'नाय बाश्राखौ जाहाथे फैगौ गोजां बोथोरनि पार्लियामेन्ट जथुमआव गनायथि होयो बेनि थाखाय एबसुआ मिरु सरकारखौ नारसिनबोगासिनो थादों होन्नानै बर'आ बुंबावोदि, बावैसो सान सिगांनिफ्राय दिनेंसिम बिटिआर गोरोबथानि मोन 6 नि बांसिन दफाफोरखौ मावफुंनायजों लोगोसे बिटिआरनि बाइजोआव थानाय बर 'फोरनि थाखाय बिकेडिल्उएसिखौ थानाय 7 अक्टबरखालि आसाम सरकारआ केबिनेटने गेजेरजों गनायथि होनायनि थाखाय आसाम सरकारनिंसिम साबायख 'र जासियो आरो फैगौ समाव बर' बिजौनि भेन्सार फरायसालि आरो फरायसालिमाफोरा सरकारि खालामजाजोबगोन होन्नानै फोरमायबावो । दिनेनि बे भेन्सार फरायसालि आरो फरायसालिमाफोरनि फोरेंगिरिफोरखौ लानानै गोनंथार सावराय मेलआव कार्बिआंलं जिल्ला बर' थुनलाइ आफादनि आफादगिरि, हारिमु आफादनि आफादगिरि, टं नंभे फरायसालिमानि गोरारुं, बाराग' बि'एलटि वेलफेयार ससाइटिनि दैदेनगिरिफोर, कसारि समाजनि आफादगिरि, साहित्य एकाडेमि बान्था मोनगिरि रिपुराज बसुमतारि, आइजो अन्साइ आफादनि आफादगिरि, जिल्लानि मेलेमजिबिफोर आरो सा 400 निबो बांसिन फोरेंगिरिफोरा बाहागो लानायजों बे सावराय मेलआ मेहेर गोनाडै-जोबलांदों । मेलआव मिरु एबसुनि सोलौंथाय नेहाथारि कास्टम बसुमतारि, लोगो सोलौंथाय नेहाथारि अंबित नार्जारि, गेलेमु नेहाथारि गनेश बसुमतारिमोनजों लोगोसे माखासे बिबानगिरि आरो सोद्रोमाफोरबो बाहागो लाफादोंमोन । बेराफासँ एखे सानखालिनो थामहिन्बा दिनें शुक्रबारखालिनो हजाइ जिल्ला दुलाराय बर' फरायसा आफादनि बान्जायनायाव जिल्लानि सिडव थानाय दिचली मासगाव गेलेग्रा फोथारआव बिटिआर गोरोबथानि दफाफोरखौ मावफुंनाय आरो बिकेडिल्उएसिनि सायाव ओन्सोलनि मेलेमजिबि आरो सांग्रां राइजो-राजाफोरखौ लानानै सावरायमेल खुंनाय जायो । हजाइ जिल्ला दुलाराय बर' फरायसा आफादनि आफादगिरि सुनिल बसुमतारिनि मासि लानानै आफाद दैदेनाय बे हाबाफारिआव गाहाय आलासि महरै बाहागो लायो मिरु एबसुनि आफादगिरि दिपेन बर'आ । बे मेलआव हजाइ जिल्लानि सिडव थानाय 105 नि बांसिन गामिनिफ्राय 2,000 नि बांसिन राइजो-राजाफोरा बाहागो लाफैनायजों बे गोनंथार सावराय मेलआ आबुडै जाफुंसार जालाडे ॥

महाभारतनि गजेन्द्र चौहान आरो मुकेश खान्नानि गेजेराव सोमजिनाय दावराव-दावसिया थुंगेबाय

गोदान दिल्ली, 16 अक्ट'बर : बयजोबो मोजां मोनजाग्रा कमेडि श्व 'दा कपिल शर्मा श्व'नि आयदायाव सिरियाल महाभारतनि सानै आखा-फाखा फावगिरिफोरा गावजों गाव रागा जोंलायदोंमोन। आथिखालआव बे टिभि स्टारफोरनि दावराव-दावसिया जोंब्याय। बयनिखुइबो मख'जाथाव बाभ्राया बेनोदि बे दावराव-दावसिखौ फोजेबहोने थाखाय सिरियाल 'महाभारतनि कृष्ण (नितीश भरद्वाज) आरो अर्जुन (फिरज खान) आ गाहाय फाव खालामदों। बे दावराव-दावसिआ बे समाव जागायदोंमोन। जेब्ला कपिलनि



श्व'नि मोनसे एपिसडआव महाभारतनि फावगिरिफोरखौ फे'नो खावलायहरदोंमोन। श्व'आव मुकेश खान्नाआ नुजाफे'नो हायाखे'मोन। जेब्ला बिन श्व'आव फे'नो खौरांखी सावरायदों अब्ला बियो

ससियेल मिडियानि गेजेरजों फोरमायदोंमोनदि, गाव कपिलनि श्व'खौ ओंथि गैया सानो। मुकेशनि जेंना गोनं बाभ्रा बुंनयनि उनाव गजेन्द्र चौहानआ श्व'खौ रेखाथि होने ओं'खारदों आरो मुकेशनि सायाव फिनजाथाय होदों। बेजों सानैबो टिभि स्टारफोरनि गेजेराव फारागथिआ बांदों। आथिखालनि बायदिब्ला, फिरज खानआ फोरमायदोंदि, गावनाव नितीश भरद्वाजनि फन फे'दोंमोन आरो बियो गावनो फोरमायदोंमोनदि आथिखालाव गजेन्द्र चौहान आरो मुकेश खान्ना नि गेजेराव गासिबो दावराव-दावसिआ

सुझांबाय। फिरजआ बुंदोंदि, आं खुसिमोन्दोंदि मानोना जोंनि युधिष्ठिरजी आरो भीष्म पितामह जीनि गेजेराव आथिखालाव जेबो रोखोमनि नंखाय बुजिलायनाया गैया। आंबो बिसोर सानैनि गेजेराव जानाय दावराव-दावसिजों दुखु जादोंमोन। जों साफ्रोंमबो महाभारत सिरियालनि नख'रनि सोद्रोमाफोर आरो जुदि बे नख'रआव मावाफोर जेंना सोमजियोब्ला बेवहाय जोंबो दुखु मोने। बेनि गेजेरावनो खौरां फे'दोंमोनदि महाभारतनि सा 5 हिट फावगिरिफोरखौनो कपिलनि श्व'आव लेंहरदोंमोन। बेनि सायाव फिरज खानआ फोरमायदोंदि, सा 5 फावगिरिफोरखौल'कपिलनि श्व'आव लेंहरनायनि जेबो फोरमान गैया।

प्रियंका चपड़ा-राजकुमार रावखौ गिबि खेब सावथुन 'दा हवाइट टाइगर'आव नुनो मोनसिगोन

गोदान दिल्ली, 16 अक्ट'बर: बलीउडनिफ्राय लानानै हलीउडसिमनि सावथुनफोराव फाव खालामखानाय फावखुंमि प्रियंका चपड़ाया इन्डस्ट्रीनि टप फावखुंमिफोरनि गेजेराव सासे। प्रियंका चपड़ाया गोबां हिट सावथुनफोरखौ गावनि केरियारआव होदों। फारसेथि आथिखालआव बिखौ आरोबाव खनसे पर्दायाव नुनो मोनफिनसिगोन। प्रियंकाखौ शबैने नेटफिलक्सआव जानो गोनां सावथुन 'दा हवाइट टाइगर'आव नुनो मोनसिगोन। बे सावथुनआव बिन अपजिट फावखुंमि रजकुमारखौ गाहाय फाव खलामानाय नुनो मोनगोन। बे सावथुनखौ लानानै सानैबो स्टारफोय गोबां खौरखव थाबाय थादों। फारसेथि आथिखालआव दा हवाइट टाइगर सावथुननिफ्राय बिसोरनि गिबि लुकआ सोरखव फे'दों, जायखौ फेन्सफोराव गोबां मोजां मोन्दों। नेटफिलक्सआ सावथुन दा हवाइट टाइगरनिफ्राय प्रियंका चपड़ा आरो रज कुमार रावनि गिबि लुकखौ शोयार कालामदों। बिसोर सानै फावगिरिफोरनि लुकखौ बिसोरनि फेन्सफोरा



गोबां समनिफ्रायनो नेनानै दडमोन। नेटफिलक्सआ गावनि मावख'आरि इन्सटाग्राम एकाउन्टआव गासै मोन 4 सावगारिफोरखौ शोयार खालामदों। गासिबो सावगारिफोराव प्रियंका आरो रजकुमारखौ जेगवबो लोगोसे नुनो मोनाखे। सानैबो स्टार फोरखौ आलादा आलादा फ्रेमआव नुनो मोन्दों। प्रियंका चपड़ा आरो रजकुमार रावनि रिलीस जानो गोनां सावथुन दा हवाइट टाइगरआ अरबिन्द अडिगनि बुक दा हवाइट टाइगरनि सायाव बानायनाय। बे सावथुनखौ रमिन बहरनीआ डायरेक्ट खालामदों फारसेथि नेटफिलक्सआ मुकुल देवड़ाजों खौसे जानानै प्रजेक्टखौ प्रजेक्टखौ प्रडिडस खालामदों।

किम कार्दशिया आर्मेनिया रिलिफ फान्डआव 1 मिलियन डलार दान हरदों

गोदान दिल्ली, 16 अक्ट'बर : आर्मेनिया आरो आजारबैजाननि गेजेराव सोलिनय दावराव-दावसिनि समाव टिभि स्टार किम कार्दशियानआ आर्मेनिया रिलिफ फान्डआव 1 मिलियन डलार (7 कौटि रनिफ्राय बांसिन)खौ दान हरदों। किम कार्दशियानआ इन्सटाग्रामनि गेजेरजों बे खौरांखौ होदों। रियेलिटि स्टार मोनसे भिडिय फोसावनानै लिरदों आं गोबां गोजेन्यायखौ मोन्दों आरो सम्मानखौ मोन्दोंथिदोंदि, दिनें आं @armeniafund खौ सापर्ट खालामनायनि मुलुगयारि नाजानायनि बाहागो जादों। आं आर्मेनिया



आरो आटर्सखनि आथिखालनि थासारिफोर आरो बे जेंनाखौ लानानै सांग्रिथिखौ बांहोने थाखाय माखासे सुबुंफोरजों बाभ्रा सावरायदों। जों बे जेंनाखौ बांहोने हाया। बियो बुंबावदों आं जोहोलाव आखुनि हौवाफोर, आइजोफोर आरो गथ'फोरनि सायाव आर'ज गाबो आरो हास्थायोदि हादतनिफ्राय गोजानाव थाब्लाबो जों आलादा नख होनानै गोसोआव लानांगो। जों जेरावखि थायामानो जों मोनसे मुलुगयारि आर्मेनिया हादतनिनो बाहागो। Keeping Up with the Kardashians नि स्टारआ आर्मेनियाजों गोजाम सोमोन्दो दड। किमनि रुंसारि जानाय बिफा रबर्ट कार्दशियानआ आर्मेनियानिमोन आरो किमनि बिबौआबो बेवहायनो थायोमोन।

गाहाम देहानि राहा

बावगारनाय बेरामा हाइपार-टेन्सननि गिखंथाव महर लाहैयो

बावगारनाय बेरामखो गोलेँये जानो नाड। बेयो हाइपारटेन्सननि लोखोन जानो हागौ। आमेरिकायाव थानाय मेय क्लीनिकनि बावैसो सिगां संदानायनि संदानगिरिफोरनि बादिब्ला, थै रोदाफोरआव मेजेम (फेट) एबा कलेस्ट्रल जमा जायोब्ला हाइपार टेन्सनआ बाडो। बेजों थै रोदापोरा होथेना थाना फिसा जायो आरो थै खारथाया लासै जायो। गाहाय संदानगिरि चेनेल जर्जीनाया फोरमायदोंदि, थै खारनाया लासै जायोब्ला खर'मेलेमाव अक्सिजेन सौहैनाया खम जायो। बे थासारिया नाभांस सिस्टेमनि जोबखिफोराव गोहोम खोखलैयो आरो



जिबखिया थैलानो हमो। बेजों गोसोखां गोहोनि अनगायै सोलो आरो सानखांनो हानाय गोहोआबो लोरबां जायो। जर्जीनाया बावगारनाय बेरामजों भुगिनाडोब्ला हाइपारटेन्सन आरो ब्लाड प्रेसारखौ नेमखाथि बादिथै सेकआप खालामजाबाय हागौ।

सुजिआ देहानि थाखाय मुलाम्फा गोनां आदार

जोंनि संग्रान'आव गोबां मुवा-बेसादफोर थायो जाय देहानि थाखाय आरो स्वादिनि थाखायबो मोजां। बेफोरनि मोनसे आ जादों सुजि। सुजियाव भिटांमिन आरो मिनारेलसआ जोंनि देहानि थाखाय मुलाम्फा गोनां। (1) सुजियाव ग्लसेमिक इन्डेक्सआ गोबां खम थायो। बेनि जाहोनआव बेयो डायबिटिस बेरामिफोरनि थाखाय मोजां जाग्रा आदार। (2) देहानि लिरथायखौ बाडइ खालामनो नाजादोंब्ला डाइटआव सुजिखौ बाहायनांगो। बेयाव गोबां फाइबर मोन्याय जायो जाय दोगोन तन्त्रखौ गाहामै लाखिनायाव मदत खालामो। (3) देहा सोलेरआव एनार्जिखौ लाखिलांनो थाखा भिटांमिन, खनि संखि आरो गुबुन पपक तत्वफोरनि गोनांथि जायो आरो बेफोर गासैबो सुजियाव आवुडैथायो।



बेयो बिखा आरो किडनीनि हाबाफारि मावनायनि गोहोखौ खम खालामो आरो बेजों लोगोसे बेयो मोदोम बेदरफोरखौ गाहामै मावनायाव मदत खालामो। (3) सुजियाव आइरनि बिबांआ आवुं थायो आरो बेखौ जानायनि हुदा थायोब्ला एनिमिया बेराम जानो हागौआ खम जायो आरो थै खम जानायावो जानगार जालाडो। (4) सुजियाव फेट एबा मेजेम आरो कलेस्ट्रलआ एसेबो थाया। बेनिखायनो कलेस्ट्रल गोबां थानाय सुबुंफोरनि थाखाय बेयो गाहाम। (5) मख'नो गोनांदि गाहाम देहानि जायखि जाया राहाखौ आजानायनि सिगां डाक्टरनि सुबुरुन लानांगो।

बिद्या बालाननि 'नटखट' आरो 'हबडडी'खौ मेलबर्न फेस्टिभेलआव दिन्थिहैगोन

गोदान दिल्ली, 16 अक्ट'बर : बिद्या बालन बानायनाय सावथुन नटखट आरो माराठी सावथुन 'हबडडी'आ 23 अक्ट'बरआव इन्डियान सावथुन फेस्टिभेल अफ मेलबर्नआव बाहागो लागोन। इनफेक्सन गोसारनायनि जाहोनाव बे फेस्टिभेलखौ 23 निफ्राय 30 अक्ट'बरनि गेजेराव भाचुंएल महरे खुंनय जागोन। फेस्टआव नटखट'आ अपेनि सावथुन जागोन जेराव बेबायदि बिमानि सल'खौ दिन्थिनाय जागोन, जाय गावनि लाइमोन फिसाज्जानो आथोन समानथिनि सोमोन्दे फोरडो। बेखौ नचिके ल सामन्तनि 'हबडडी'जों लोगोसे मोनसे डाबल बनान्जा पेकेजआव दिन्थिफुं नाय जागोन। बोसोरफोमनि बायदिनो फेस्टखौ 17 रावफोराव 60



निफ्राय बांसिन भौमिकआ बुंदोंदि, बेयो सावथुनफोरखौ दिन्थिफुंनो। फेस्टआव दिन्थिफुं नाय सावथुनफोरा फेस्टनि मावख'आरि वेबसाइटआव बेसेनाडै स्टीम जागोन। फेस्टनि बिथोनगिरि मित्तु हाग्रा जादों।

डब्लिउ डब्लिउ इ चैम्पियन जन सीनाया जुलि जाबाय

गोदान दिल्ली, 16 अक्ट'बर: 16 खेबनि वर्ल्ड रेस्टलि एन्टारटेनमेन्ट चैम्पियन (WWE) आरो हलीउड स्टार जन सीनाया थारैने जुलि जाबाय। बुधवार हरआव फ्लोरिडानि टाम्पायाव मोनसे जथुम्मायाव जन सीनाया गावनि मोजां मोन्याय शाय शरियातदेहजों जुलि जाबाय। बे जथुम्मायाव माखासे सावथुन स्टारफोर आरो डब्लिउडब्लिउइनि मुंदांखा खमलायगिरिफोरा बाहागो लादोंमोन। जन सीना आरो शरियातदेहआ 2019 निफ्राय मोजां मोनलायबेदों आरो 2020 नि जागायनायाव बे जराया रदाय खादोंमोन। जन सीनाया डब्लिउडब्लिउइनि मुंदांखा वर्ल्ड



रेस्टलि एन्टारटेनमेन्टजों लोगोसे 20 बोसोरखौ थांगार होनायाव जन सीनाया मुलुगारि थाखायाव सुबुंफोरजों अनसाय जादों। थानाय माखासे बोसोरफोरनिफ्राय डब्लिउ डब्लिउ इआव

दिन्थिफुं नायजों लोगोसे नो सीनाया हलीउडआव गावनि जायगाखौ बानायदों। बियो Blockers आरो Bumblebee बायदि बायदि सावथुनफोराव फाव खालामदों। नाथाय बियो

बयनिखुइबो बांसिन फास्ट एन्ड फ्युरियासजों अनसायजादों। बियो रिलीस जानो गोनां फास्ट एन्ड फ्युरियास 9 आरो दा सुसाइड स्कवाडआवबो फाव खालामगोन। बावैसो

समाव जन सीनानि गथ'फोरनि एल्व' ग्रीस: फास्ट फ्रेन्डसआ रिलीस जादों। बे बिजाबनि सल'आ सासे फिसा राइक्षसनि सोमोन्दे। निउयर्क टाइम्सनि गेजेरजों बेखौ माब्लाबाबो जेनेनि बिथोन होने थाखाय बेस्टसेलर बिजाब महरे नम्बर 1 डिक्लेयर खालामदों। 16 खेबनि चैम्पियन जानायनि अनगायै जन सीनाया 5 खेबनि डब्लिउ डब्लिउ इ युनाइटेड स्टेटस चैम्पियन आरो 4 खेबनि डब्लिउ डब्लिउ इ टैग टीम चैम्पियनबो जादों। सीनाया 14 जानुवारीनिफ्राय डब्लिउ डब्लिउ इआव रेस्टलि खालामाखे।

दरनै हादतनि सावरायनाया सोलिंगासिनो दडः जयशंकर

गोदान दिल्ली, 16 अक्ट 'बर: भारतनि गुबुन हादतआरि मन्थि एस जयशंकरआ भारत-चीन सिमा जेनानि सायाव सोलिबाय थानाय सावरायनायनि सायाव बाश्रा बुडे। बृहस्पतिवारखालि ब्लुमबर्ग इन्डिया इकनमिक फरामआव जयशंकरआ बुडेदि, दरनैबो हादतनि गेजेराव सावरायनाया सोलिंगासिनो दड, नाथाय बेयाव माखासे हाबाफारिया सेक्रेट। आधिखालाव जेबो रोखोमनि हमदाना लानो नाजानो नाड, जुदि सोमोन्दोनि गुदि बिथाया दोरोदयोब्ला बेनि फिथाइखोबो दरनैबो हादतआ भुगिनांगोन। जयशंकरआ बेखोबो बुडेदि, थानाय 30 बोसोरनिफ्रायनो भारत आरो चीननि गोखों सोमोन्दोआ एलएसिआव बेसेबां गोजोन बाश्रानि फोरमान होयो। जेनाखौ माब्लाबाबो भारतआ सोमजिहोयाखै। आधिखालाव सिमनायाव सोमजिनाय जेनाखौ खम खालामनो थाखाय दरनैबो हादतआ लान्थि यै सावरायनाया दड। नाथाय आधिखालाव राइज्योयारि महरै जेबो बुनाया मोजां जानाय नड। बेनि गेजेरजों एलएसिजों नांजाबनाय ओन्सोलफोराव सान्थि हान्जाखौ थिसन्याय जादों। बेनि सिगां थानाय दानफोराव बेबायदि खालामाखेमोन।



जयशंकरनि बायदिब्ला, दरनै हादतनि गेजेराव फालांगिजों लोगोसे माखासे आयदा दड। मानोना सिमनायाव गोजोन लाखिनो थाखाय दरनैबो हादतआ थानाय 1993 माइथायावनो माखासे रादाय खालामदोंमोन। जुदि जों बे रादायफोरखौ मान होयाब्ला बेयो सोमोन्दो बायनायनि गाहाय जाहोन जागोन। अदेबानि जयशंकरआ बुंबावदों, फालांगिनि आयदानि सायाव सौग्रावलायनाया जौनि थाखाय गोदान जेना नड। मानोना बेबायदिया थानाय 20 बोसोरनिफ्रायनो सोलिबोबाय थादों। थानाय 2009 आव आं जेब्ला चीननि राजथान्देंमोन, अब्ला आं चीननि मार्केटआव एक्सेसनि आंखालनि सायाव जिगा सिनाय फोरमायदोंमोन। मानोना दरनै हादतनि गेजेराव

आसार खान्थि बायदियै फालांगि खालामै आरो फालांगियाव दावखलायनाया जिगा सिनांगौनि बाश्रा।

शी जिनपिंनावबो करना भाइरास सन्देरनायनि सन्देह

गोदान दिल्ली, 16 अक्ट 'बर : चीननि हादतगिरि शी जिनपिंनि देहाखौ लानानै गोबां खौरांफोर गोसारदों। माखासे रिपर्टनि बादिब्ला, शी जिनपिंआ बेरामआव गोग्लैना दं। बेनिखायनो शेन्जेनि कम्पुनिस्ट पार्टिनि बिबुंथि होनायाव बियो गुजुबाय थादोंमोन, जायनि जाहोनआव बिबुंथि होनायाव थाद 'बाय थानांदोंमोन आरो मिडियानि गासैबो केमेराया हादतगिरिनि साखथिनिफ्राय जानगरबो जानांदोंमोन। बेनि उनाव शी जिनपिंआ करना जाबाय नामा होन्नानै खौरांआ गोखैयै गोसारो। बेनिसायाव हंकेनि गांसे खौरांलाइया लिरदों



शेन्जेनआव जानाय जाथाया शी जिनपिंनि गुजुनायजों चीफ एग्जीक्युटिभ कैरी लेमआबो गिखांनानै शी जिनपिंनि जानगाराव थादोंमोन। बुहाननिफ्राय गोसारजेन्याय

करना भाइरासनि बेंखनथायाव मुलुगनि दैदेनगिरिफोरा आमेरिकानि हादतगिरि डनाल्ड ट्राम्प, बरिस जनसन, जेय बल्सनार, बलिभिया, ग्वाटेमाला, हडुरासनि हादतगिरि आरो आमैनियानि गाहाय मन्थिआबो फेखांबाय। हमदोनय जादोंदि बे फारिलाइयाव शी जिनपिंनि मुंआबो फेसिगोन नामा। नाथाय

बेबायदि जानो हाथावनाया जोबोद खम। मानोना चीनआ रोग्थिनि थाखाय मिबथिसार जानाय। जेब्ला चीनआव भाइरासआ गोसारदोंमोन अब्ला शी जिनपिंआ रहस्य गोनाडे गोमाना थादोंमोन। बियो खेबने गोमादोंमोन। बेनि उनाव बिखौ मास्क गानालासे नुनो मोन्दोंमोन, जेराव बियो चीनआ भाइरासखौ फेजेनबाय होन्ना दिन्थिनो नागिरदोंमोन। बियो लकडाउनखौ फुरायै बोखारना होयो आरो पाटिफोरखौ फुरायै खालामनायनि गनायथिबो होखांबाय। नाथाय जिनपिं सुजुनाय समाव गासैबो दैदेनगिरिफोरा दंमोन। जुदि बियो थारै नो इनफेक्सन जामारदों ब्ला गासैबो दैदेनगिरिफोराबो इनफेक्सन जानो हागौ।

प्रसार भारतीआ पिटिआइजों सोमोन्दोखौ फोजोबनानै गोदान थांखि लासिगोन

गोदान दिल्ली, 16 अक्ट 'बर : प्रसार भारतीआ खौरां एजेन्सि प्रेस ट्रास्ट अफ इन्डिया (पिटिआइ)जों सोमोन्दोखौ फोजोबबाय। प्रसार भारतीया दा गुबुन नख 'रारि खौरां एजेन्सिफोरजों गोदान थांखि लासिगोन। हादतनि बयनिखुइ देरसिन खौरां एजेन्सि पिटिआइखौ मोनसे बर्डनि गेजेरजों सालायनाय जायो, जेराव गाहाय खौरां आफादफोरनि बिगोमाया दंफायो आरो बेयो मोनसे नन



प्रफिट ट्रास्ट। प्रसार भारतीनि बे थांखिआ पिटिआइनि भारत चीननि दावहानि कभारेजखौ रोखा मोन्यायनि 4 दाननि उनाव

फेदों। सुलुआ बुनाय बायदिब्ला, प्रसार भारतीआ पिटिआइनि बयनिखुइ देरसिन बाहायग्राफोरनि गेजेराव मोनसे

आरो बेयो पिटिआइनो बोसोराव 6.75 कौटि रां होयो।

सुलुआ बुंबावनाय बायदिब्ला, प्रसार भारतीआ पिटिआइ आरो इडएनआइजों लोगोसे माखासे खौरां एजेन्सिफोरजों गोदान थांखिखौ गथायनायनि हाबाफारिखौ जगारयसिगोन। बे बोसोरनि जुन दानाव खौरां एजेन्सिनि गेजेरजों गोब्रबै हादत- बेरेखा रिपर्टनि सायाव गावनि सोमोन्दोखौ फोजोबनो हुमखि होमोनै प्रसार भारतीआ गांसे लाइजाम दैथाय हरदोंमोन। पिटिआइआ चीननि राजथान्दें सुन विडगजों लोगोसे मोनसे मोगा-मोगि खालामदोंमोन, जेराव बियो भारत आरो चीननि हिंसायारि जाथाइनि थाखाय भारतखौ दाय हमदोंमोन, जाय जाथाइयाव सा 20 भारतयारि जोहोलावफोरा मुंखल जादोंमोन। सुलुआ बुंबावनाय बायदिब्ला, थानाय जुन दानाव बर्डनि जथुमानि सिगां पिटिआइनो लाइजाम दैथाय हरदोंमोन, जेराव प्रसार भारतीआ पिटिआइनि गेजेरजों हादतनि बेरेखा रिपर्ट आ खालामनायनि सायाव रागा जौनाय फोरमायदोंमोन।

चीननि करना भेक्सिनआ रैखाथि गोनां, एन्टिबडि बानायनायाव जाफुंसारदों

बेइजिं, 16 अक्ट 'बर: करना भाइरासनिफ्राय बारग 'नो थाखाय चीननि करना भेक्सिनखौ मोनसे नायबिजिरनायाव रैखाथि महरै मोन्या जादों। बबेखानि 18 निफ्राय 80 बोसोरनि सुबुंफोरनि सायाव टेस्ट खालामनाय चीननि भेक्सिननि फिथाइखौ मोजां मोन्या जादों। बे सुबुंफोरनि सायाव खालामनाय आन्जाद नायनायाव भेक्सिनखौ रैखाथि महरै मोन्दों आरो बेजों जेबो रोखोमनि ख 'हा जायाखै। अदेबानि बेजों एन्टिबडी बानायनायाव मदत मोन्दों। देहा फाहामथायजों लोब्ला गोनां खौरां आरो आन्जाद नायनायखौ फोसावग्रा लेन्सेट जार्नेलाव फोसावनाय मोनसे रिपर्टआव बे बाश्राखौ दाबि दैखानाय जादों। लेन्सेट जार्नेलनि रिपर्टनि बायदिब्ला, चीननि करना भेक्सिन BBIBP-Corv जाय करना भाइरासखौ आबुडे फोजोबस्रानायाव आसा खालामथाव आरो बेयो रैखाथि



गोनां। बेनि सिगांबो लेन्सेटआ मोनसे भेक्सिनखौ लानानैबो बाश्रा बुंदोंमोन, जाय करनानि थाखाय दाय गोनां SARS-COV-2 Virus खौ फोजोबस्राडे। नाथाय बे नाइबिजिरनायाव भेक्सिननि आन्जाद नायनायखौ 60 बोसोरनिफ्राय खम बैसोनि सुबुंफोरनावल' खालामनाय जादोंमोन। बे भेक्सिननि ट्रेयेलाव 18 निफ्राय 80 बोसोर बैसोनि बाहागो लायग्राफोरा दंफायोमोन आरो बिसोर

गासैबोनावबो एन्टिबडी बानायनाय जायो। नायबिजिरनायनि बायदिब्ला, बे भेक्सिननि हेंथायै एन्टिबडी बानायनायनि गोखैथिया 18 निफ्राय 59 बोसोरनि सुबुंफोरनि गेजेराव 60 निखुइ बांसिन कम बोसोर सुबुंफोरनि रुजुनायाव बांसिन। अदेबानि 60 बोसोरनि बांसिन बैसोनि सुबुंफोरनाव एन्टिबडी बानायनायाव 42 सान नाडे आरो 18-59 बोसोरनि सुबुंफोरनाव 28 साननि गेजेरावनो एन्टिबडीआ जौगाखाडे।

गोगो देहा आरो लाइमोन सुबुंफोरा 2022 सिमाव करना भेक्सिन मोनो हानाय नडः डब्लिउएडचअ

गोदान दिल्ली, 16 अक्ट 'बर : वर्ल्ड हेल्थ अर्गेनाइजेसनआ बुंदों, गाहाम देहा आरो लाइमोन सुबुंफोरा कभिड-19 भेक्सिननि थाखाय 2022 सिम नेनानै थानांगोन। मानोना देहा फाहामगिरि आरो इनफेक्सन जानाय सुबुंफोरनो भेक्सिनखौ होग्रोनाय जागोन। डब्लिउ एडचअनि गाहाय बिगियानगिरि



सौम्या स्वामीनाथनआ सौंथि सौंनाय-फिन होनायनि मोनसे अनलाइन जथुमाखौ सोमोन्दो लानानै बुंदों, 2021 सिमाव गोहोम गोनां भेक्सिनखौ मोनो हागोन। नाथाय बेयो सिमा गोनां जागोन। देहा फाहामगिरि आरो इनफेक्सन जानाय सुबुंफोरनो भेक्सिनखौ होखांनयनि उनाव बोराय-बुरि आरो गुबुन सुबुंफोरनो भेक्सिनखौ होनाय जागोन। फैनो गोनां समाव माखासे बिथोन होनायखौ फोसावनाय जागोन। मिरुनि गाहाम देहा

मन्थि हर्षबर्धनआ बुंदों भारतआ फैनो गोनां माखासे दानयाव करना भेक्सिनखौ बानायनो हागोन आरो 6 दाननि गेजेराव सुबुंफोरनो बे भेक्सिनखौ होनाय जागोन। डब्लिउएडचअया बुंदों थानाय 10 दाननि समाव साबुनजों आखाय सुनाय, ससियेल डिस्टिन्सिं फालिनाय, हासिपि नाय समाव खुगाखौ खोबथेना लानाय आरो मास्क गान्याय बादि राहा लानायजों करनाखौ होबथानायाव गोहोम गोनां हाथियार फोरमान जादों।

सा 2 फावगिरिफोरनि मोन्दांथिआ रोखोमसे जाया : रसिका दुगल



गोदान दिल्ली, 16 अक्ट 'बर : फावखुंग्रि रसिका दुगलनि बायदिब्ला सा 2 फावगिरिफोरनि केरियारआ माब्लाबाबो एखे जाया आरो बिसोरनि हाबा मावनायखौ लानानै मोन्दांथिया एखे नड। रसिकाया 2008 आव बलिउडआव तहान 'जो डेव्यु खालामदोंमोन। बेनि उनाव बिखौ 'तु टे मेरा सान्दे आरो 'हमिद' बायदि बायदि प्रजेक्टआ नुनो मोन्दों। बिखौ अटिटि वेब सिरिज मिर्जापुर आरो दिल्ली क्राइम' आवबो नुनो मोन्दों। रसिकाया आइएएनएसनो फोरमायदोंदि, गावनाव माखासे बोसोरनि रोग 'थि थानायनि जाहोनाव माखासे मोजां हाबाफारिखौ मावनो हागोन। नाथाय केरियारआव आवगयलांबाय थायोब्ला थासारिया गोदान आरो गोब्राव जायो।

थाइलेन्डनि गाहाय मन्थिआ बिबान एंग्लायनो नेवसिगारदों

बेकक, 16 अक्ट 'बर: थाइलेन्डयाव राजतन्त्र आरो सरकारनि हेंथायै सोमावसारनाया गिखंथाव जानायाव राजथावनि बेककखौ 30 सान सिमनि थाखाय होबथानो बाश्रा फोसावदों। गाहाय मन्थि प्रयुत चानअचाया शुकुबाराव बुंदों 10 हजार सुबुंफोरा धर्ना होनायनि उनावबो गाव बिबान एंग्लायनाय नड। बियो बुंदों इमार्जेन्सि राहा लानायनि गेजेरजों सरकारनि हेंथा धर्ना होनायाव 30 सानसिम



होबथानाया सोलिबाय थागोन। मोनसे केबिनेट जथुमानि उनाव गाहाय मन्थि प्रयुतआ खौरांगिरिफोरनि सिगाडव बुंदों आइन्खौ राजखान्थि सभानि सायाव होबथानायखौ सिफायग्राफोरनि हेंथायै

बाहायनाय जागोन। सरकारा इमार्जेन्सि नेमखान्थिखो बाहायनांगौ। जों आवगय लांनगोन। मानोना थासारियारि हिंसायारि जादों। मख 'नो गोनांदि, थाना 3 साननिफ्राय हादतयाव सरकारनि हेंथायै धर्ना

होनाया सोलिदों। बे समाव सोमावसारनायाव बाहागो लानाय माखासे दैदेनगिरिफोरखौ ग्रेप्टार खालामनाय जादों। खोला-सान्जा एशिया हादतयाव थानाय सानफोरव गाहाय मन्थि प्रयुत चान-अचानि बिबान एंग्लायजों लोगोसेनो संबिजित आरो राजतन्त्रयाव सुस्रानायनि दाबि दैखानायखो लानानै गिदिर हेंथा धर्ना होनाय जादों। बेककआव गाहाय मन्थि मावख 'नि बायजोयाव थानाय बुधबाराव गोबां धर्ना होग्रोफोरा

शुबुर जादोंमोन। बेवहायनिफ्राय बिसोरखौ होखास्रानो थाखाय दाड बाजि होबथाग्रा पुलिसखौ थिसन्याय जादों। मोनसे जायगायाव धर्ना होग्रोफोरा शाही गारिखौ बेंख-दोंमोन। बेनि उनाव सरकारआ बे धर्ना होनायखौ बन्द खालामनो थाखाय गोखों थांखि लादों। सरकारनि बुंथिगिरिआ बुंदों हादतयाव बे समाव खैफोद गोनां थासारि सोमजिदों। गाहाय मन्थिआ पुलिसखौ बै सुबुंफोरनि हेंथायै गोखोडे बिजिनो बिथोन होदों जाय

शाही गारिखौ लामायाव होबथायो एवा राजतन्त्रखौ अपमान खालामो। पुलिसआ फोरमायदों सा 22 सुबुंफोरखौ ग्रेप्टार खालामदों। रैखाथि महरै बेककआव जायगा जायगा आउट पस्ट गायसन्नाय जागोन। हमजानाय माखासे दैदेनगिरिफोरा फेसबुकनि गेजेरजों फोरमायदों गावसोरखौ हेल्तिकप्टारनि गेजेरजों बेककनिफ्राय बायजोयाव दैथायहरदों। उकि लखौ जगायना होनायखौ नेवसिगारदों।

आसामनि बक्सार लाभलिना बरगहाइनि देहायाव कभिड पजिटिभ मोन्दों

गोदान दिल्ली, 16 अक्ट 'बर: फेगौ बोसोरनि जुलाइ दाननिफ्राय जापाननि राजथावनि टकिय सहराव खुंनो लानाय अलिम्पिक गेम्सनि थाखाय क्वालिफाइड जानो हाखांनाय आसामनि गोखों बक्सार गेलेगिरि आइजो लाभलिना बरगहाइनि देहायाव टेस्ट खालामनायनि गेजेरजों कभिड पजिटिभ मोन्दों हादों। सुलुनिफ्राय मिथिनो मोनाय बायदिब्ला आसामनि गेलेगिरिया भारतनि माखासे बक्सिं गेलेगिरिफोरजों अलिम्पिक गेम्सनि थाखाय गुबुन हादतयाव फोरोंथाय लानाय एबा ट्रेनि लाहैनायनि थाखाय दावबायलांनो थियारि जानाय समावनो देहायाव पजिटिभ मोन्नाय जेनाजों मोगा-मोगि जानांदों लाभलिना बरगहाया। फारसेथि साइआ मोनसे सुलुडव मिथिहोनाय बायदिब्ला आसामनि



लाभलिनाया इटालि हादतयाव ट्रेनि लाहैनो दावबायलांनयनि सिगां गावनि नख 'र राइज्यो आसामआवनो दडमोन। साइआ बुडोदि, लाभलिना देहायाव कभिड टेस्ट खालामनायनि सिगां इटालियाव दावबायलांनो थांखिजों गावनि बिमाजों लोगो हमनो थाखाय गेलेगिरिया आसामआव फेदोंमोन। गासै 11 सान सुटि मोन्नायनि उनाव थांनाय 11 अक्ट 'बरखालि गावनि न'आव बिमाखौ लोगो हमनो थाखाय थांदोंमोन आरो बे समाव टेस्ट खालामनायजों बेनि देहायाव नेगिटिभ रिपटखौ मोन्दों हादोंब्लाबो नाथाय 15 अक्ट 'बरखालि लाभलिनाय देहायाव गुबुन खेबसेबाव टेस्ट खालामनायनि गेजेरजों पजिटिभ

रिपटआ ओंखारो। साइआ बुडोदि, दासान्दि पजिटिभ मोन्नायाव लाभलिना बरगहाइखौ आइस 'लेसनआव लाखिनाय जादों। अदेबानि बिनि देहायाव जेबो जेना नुजाथियाखौ ब्लाबो नाथाय फाहामगिरि हान्जाया फाहामथाय होनायनि फारसे नोजोर लाखिदों। सुलुनिफ्राय मिथिनो मोन्नाय बायदिब्ला भारतनि हौवा आरो हिन्जाव बक्सिं हान्जाया गासै 52 सानसिम गुबुन हादतआव फोरोंथाय लानो थाखाय फेगौ नभेम्बर दानाव इटालि हादतसिम दावबायलांनयनि बाश्रामोन। नाथाय आसामनि लाभलिनाया कभिड-19 जों सन्देजानानै फेगौ समाव भारतनि हान्जाजों

गुबुन हादतयाव दावबायलांनो खाबु मोनगोना मोना बेनि सायाव दासिम रोखा जायाखैब्लाबो नाथाय फेगौ समासो फोरमायगोन। गुबुन फारसेथि साइनि सान्जा ओन्सोल सेन्टयव दासान्दि सोलिबाय थानाय नेसनेल केम्पआव प्रेक्टिस खालामनाय समावनो पेरा आसांरि गेलेगिरि अंकितनि देहायाव कभिड-19 पजिटिभ केसखौ मोन्दों हादों। दासान्दि आसांरि गेलेगिरि अंकितखौ दे हाफ। हासामालियाव फाहामथायनि थाखाय थिसनाय जादों। साइआ बुडोदि, बेनि देहायाव कभिडनि लोखोन मोन्नाय भाइरासनि हेँथायै फाहामथाय होनाया गाहामै सोलिगासिनो दं। साइनि बिबानगिरि सुलुडा मिथिहोबावनाय बायदिब्ला नेसनेल केम्पआव प्रेक्टिस खालामनाय साफ्रोमबो गेलेगिरिनि देहायाव टेस्ट खालामनाय जादोंमोन आरो बे टेस्ट खालामनायनि गेजेरजों अंकितनि देहायाव पजिटिभ रिपटआ ओंखारदों।

इउफा नेसन्स लीगनि मेचखौ बेलजियामआ 2-1 गलाव आइस्लेन्डनि हेँथायै देरहादों

बुसेल्स, 16 अक्ट 'बर: कभिड-19 नि गिथावनायै साग्लोब सारनायनि गेजेरवबो दासान्दि फुटबल गेलेनायखौ लाबोफिनाय नुनो मोन्दों। मैया मुलुगनि गुबुन मोनसे मिथिसार जानाय गिदिर फुटबल बादायलायनाय नेसन्स लीगनि मोनसे मेचखौ बेलजियाम आरो आइस्लेन्ड फुटबल हान्जानि गेजेरव मोगा-मोगि गेलेयो। बे गेलेनाय मेचखौ बेलजियामआ गेलेगिरि रमेले लुकाकुनि हारसिडै मोननै गल होनाय हेफाजावजों 2-1 गलाव आइस्लेन्ड हान्जाखौ गोब्राबजों फेजेनो हायो। मख 'नो गोनांदि, नेसन्स फुटबल लीगनि मेचफोरखौ दासान्दि मुलुगनि गुबुन गुबुन हादतनि फुटबल हान्जाफोरनि गेजेरव कभिड-19 नि थासारियावबो गेलेनाय सोलिबाय थादों। गोखों रेखाथिनि गेजेरजों खुंनया नेसन्स लीगनि मैया गेलेनाय मेचखौ बेलजियाम हान्जाया देरहानो हानानै गूपनि फारिलाइयाव आवगायनो हायो। फिफानि



रेंकिआव सेथि जायाखौ लानानै गेलेनाय बेलजियाम हान्जाया बे मेचआव सिगांनिखुडो गोखों गेलेनो हानायजों खाबु मोन्नायाव गलखौ होनो हादोंमोन। गुबुन फारसेथि बे मेचआव आइस्लेन्डनि गुबुन सासे गेलेगिरिया गेलेनायनि जागायजेन्नाय 17 मिनटआव सिगां गलखौ होनो हाजेन्दों मोन। नाथाय बेलजियामआ गेलेनायखौ गोखोंसिन खालामनो हाफिनायजों 38 मिनटआव गलखौ गेलेगिरि लुकाकुआ

होनो हानानै समान-समान खालामनो हायो आरो नैथि हाफ टाइमनि 55 मिनटआव लुकाकुआ देरहानाय गलखौ होनो हायो। गुबुन फारसेथि नेसन्स लीगनि गेलेबावनाय मोनसे मेचखौ इटालि फुटबल हान्जाया नेडारलेन्डनि हेँथायै 1-1 गलजों इ जानायव मोनैबो हान्जाया एसे-एसे पइन्टजोंनो गोजेनो गोनां जादों। बेनि उनाव गेलेबावनाय नेसन्स लीगनि मोनसे मेचखौ बेलारुसआ

काजाकिस्ताननि हेँथायै 2-0 गलाव गोब्राबजों देरहानो हायो। बेबायदिनो दासान्दि नेसन्स लीगनि गेलेनाया गुबुन गुबुन हादतनि फुटबल हान्जाफोरनि गेजेरव सोलिनायखौ नुनो मोन्दों आरो मुलुगनि मिजिथिजानाय गोखों फुटबल हान्जाफोर देरहानो हानायखौबो नुनो मोन्दों। जेगव मुलुगनि गोखों हान्जा ब्राजिल, आर्जेन्टिना, पुर्टुगाल आरो फ्रान्स हान्जाया देरहानायजों सिगां फारसे आवगायनो हादों।

के श्रीकान्तआ डेनमार्क अपेननि क्वार्टर फाइनालाव सहैबाय

गोदान दिल्ली, 16 अक्ट 'बर: सिंगेल्स बेडमेन्ट गेलेनायाव गुबुन सासे भारतनि गोखों गेलेगिरि महरै मिथिजानाय के श्रीकान्तआ दासान्दि सोलिबाय थानाय डेनमार्क अपेननि क्वार्टर फाइनालाव सहैनो हादों। मख 'नो गोनांदि, कभिड-19 नि गेजेरवबो गोखों रेखाथि आरो राहानि गेजेरजों खुंनया डेनमार्क अपेननि मैया गेलेनाय प्रि क्वार्टर फाइनाल मेचखौ मुलुगनां रेंकिनि 5 थि गेलेगिरि श्रीकान्तआ कानाडाडानि गेलेगिरि जेसन एन्टिखौ गासै 21-15, 21-14 पइन्टआव गोरलैयेनो फेजेनो हायो। बे मेचखौ देरहानायजों श्रीकान्तआ क्वार्टर फाइनालआव सहैयो आरो बे गोनां मेचखौ फेगौ समाव मुलुगनां रेंकिनि नैथि गेलेगिरि टिएन सेननि हेँथायै मोगा-मोगि गेलेगोन। नाथाय भारतनि श्रीकान्तआ थाइवाननि गेलेगिरि सेननि हेँथायै देरहानायनि फारसे गोब्राब जागोन आरो बेनि हेँथायै देरहानोब्ला श्रीकान्तआ गावनि गेलेनायखौ सिगांनिखुडु साबसिन आरो गोखोंसिन खालामनांनो। गुबुन फारसेथि हादतनिनो गुबुन सासे गेलेगिरि लक्षीय सेनआ प्रि क्वार्टर फाइनाल मेचखौ गोखों गेलेनायनि गेजेरजोंबो जेनानै डेनमार्क अपेननिफ्राय बिदाय लानांबाय। सेनआ डेनमार्कनि गेलेगिरिनि आखायाव गासै 15-21, 21-7, 21-17 पइन्टआव जेनो गोनां जादोंमोन। दासिम डेनमार्क अपेनाव भारतनिफ्राय के श्रीकान्तआल 'गेलेनो हागासिनो दं आरो बिनि देरहानोमखौ हादतआ मिजिथि लाखिदों। मख 'नो गोनांदि, थांनाय 7 दाननिफ्रायनो कभिड-19 नि जाहोनाव मुलुगनाडैनो गुबुन गुबुन गेलेमुनि बादायलायनायफोरजों लोगोसे बे डमेन्ट गेलेमुनि बादायलायनायाबो बन्द 'जानानै दडमोन। नाथाय गोलाव दाननि उनाव गिबि खेब डेनमार्क अपेनखौ खुंनया जादों।

किंग्स इलेभेन पान्जाबनि बिगोमा प्रिति जिन्ताया हान्जानि सोमोनांथावै देरहानायखौ गोजोन्नाय फोरमायदों

डुबाइ, 16 अक्ट 'बर: इनाइटेड आरब इमारेट सुंदयै इउएइ हादतयाव दासान्दि सोलिबाय थानाय 13 थि सिजन आइपिएलनि थांनाय हरनि समाव 31 थि मेचखौ किंग्स इलेभेन पान्जाब आरो स्येल्स सेलेन्जार्स बेंगालुरु मोनै हान्जानि गेजेरव गेलेयो। बे मेचखौ किंग्स इलेभेन पान्जाब हान्जाया सोमोनांथावै 8 उइकेटआव बेंगालुरु हान्जानि हेँथायै देरहानो हायो। हान्जानि जोबथा अभावाव सोमोनांथावै भिरत कहलिनि दैदेन्याय स्येल्स सेलेन्जार्स बेंगालुरु (आरसिबि) नि हेँथायै देरहानो हानायखौ किंग्स इलेभेन पान्जाब हान्जानि बिगोमा प्रिति जिन्ताया जोबोद गोजोन्नाय फोरमायदों। मख 'नो गोनांदि, गोखों गेलेगिरि क्रिसगेलनि फैफिनायावनो पान्जाब हान्जाया गेलेनाय मेचखौ देरहानो हानायजों पइन्टनि फारिलाइयाव 3 थि जायगाखौ आवग्रिनो हायो।



मिथिनाय बायदिब्ला भिरत कहलिनि दैदेन्याय आरसिबि हान्जाया 20 अभावाव मोन 6 उइकेट खोमाना गासै 17। रान टारोटेखौ बरेखा हान्जानो होनो हायो। बे टारोटेनि फिनायाव के एल रहलनि दैदेन्याय किंग्स इलेभेन पान्जाब सिगांनिफ्रायनो गोखों गेलेनो हानायजों जोबथायाव बे मेचखौ देरहानो

हायो। आरसिबिनि जानानै केटेन भिरत कहलिनि 39 बलाव गासै 48 रान, क्रिस मरिसआ 25 रानखौ खालामनो हानानै हान्जाया थांखि बायदिदै रानखौ थोजासे खालामनो हादोंमोन। फारसेथि बे राना पान्जाबनि थाखाय रुजुनो थांनायाव गोब्राब जादोंमोनब्लाबो नाथाय के एल रहल आरो मायां

आग्रवाल बिसोर सानैबो गोखों गेलेनायजों जागायजेनो। जायनि थाखाय पान्जाब हान्जाया बे मेचखौ देरहानायनि जोबथा बुब्लियाव सहैनो हायोब्लाबो नाथाय मेचनि जोबथा अभावाव जोबोद गोखों जुजिलाइनायखौ मोनैबो हान्जानि गेजेरव सोमोनांथावै नुनो मोनो। मानोना जोबथा अभावाव पान्जाबनि

बेटसमेन्टनआ बलनिखुडु खमसिन थानाय रानखौ समान-समान खालामनो थांनायावनो गोब्राब जादोंमोन। नाथाय जोबथायाव बे मेचखौ 6 बाउन्डरि खालामनो हानायजों पान्जाबआ देरहानो हायो। हान्जानि देरहानायव गोनांथाव बिहोमा होनाय केटेन के एल रहलआ 61 रान आरो गोदानै गेलेफेनाय क्रिसगेलआ 53 रानखौ खालामनो हादोंमोन। बे मेचखौ देरहानायव किंग्स इलेभेन हान्जाब हान्जानि बिगोमा आरो फावखुंमि प्रिति जिन्ताया जोबोद गोजोन्नाय फोरमायनानै बुडोदि, हान्जाया बे मेचखौ देरहानोनि आंहा फोथायनाय दंखायोमोन। फारसेथि थांनाय मेचखौ देरहानायनि उनावबो थांनाय हरनि गेलेनाय मेचखौ जेनानानै भिरत कहलिनि दैदेन्याय आरसिबि हान्जाया पइन्टनि फारिलाइयाव एसे दावख्वायनो गोनां जादों।

सुटार गगन नारांगनि सुटि एकाडेमियाव दै लोमनानै 1.3 कौटि रानि बेसादफोरा खहा जादों

गोदान दिल्ली, 16 अक्ट 'बर: लन्डन अलिम्पिक गेम्सआव ब्रन्जनि मेडल देरहानाय गगन नारांआ हाइड्राबादआव थांनाय माखासे बोसोरनि सिगाडाव हादतनि लाइमोन गेलेगिरिफोरनि थाखाय सुटि एकाडेमि खुलिनाय जादोंमोन। नाथाय दासान्दि हाइड्राबाद सहर ओन्सोलाव अखा हानायनि दै बाना लोमसावनाया बिनि सुटि एकाडेमियाव दै लोमसावनायजों गोबां गोनां गोनां बेसादफोरा ख 'हा जादों होनानै सुलुडव फोरमायदों। हादतनि गेजेरवनो गुबुन सासे मिथिसार जानाय सुटि गेलेगिरि गगन नारांआ मिथिहोनाय बायदिब्ला

हाइड्राबादआव थांनाय सुटि एकाडेमियाव गात्रि यै लोमसावनाय दैआ हावनायनि जाहोनाव खमैबो गं 80 राइफल्स आरो पिस्टलजों लोगोसे माखासे बेसादफोराबो दैनि सिडाव थांनानायनि जाहोनाव गासै 1.3 कौटि रानि बेसादफोर ख 'हा जादों। थांनाय 14 अक्ट 'बरखालि हाइड्राबाद आइएमडि सेन्टार मिथिहोनाय बायदिब्ला हाइड्राबाद सहरव बे सानखालि 19.2 सेन्टिमिटर अखा हादों। अदेबानि थांनाय 1891 माइथायनि उनाव 14 अक्ट 'बरखालि हाइड्राबाद सहरव अखा हानायनि बिबाड मोनसे रेकड जानानै थादों। मख 'नो



गोनांदि थांनाय 2015 माइथायव 37 बोसोर बैसोनि अलिम्पिकआव ब्रन्जनि मेडल

देरहानाय गगन नारांआ गावनि फारसेनिफ्राय धोन बाहायनानै हाइड्राबाद सहरव सुटि एकाडेमिखौ खुलिदोंमोन। बे एकाडेमिनि गेजेरव थांनाय समफोराव माखासे गेलेगिरिफोरखौ फोरोंथाय होनो हाबोनायनि समावनो 14 अक्ट 'बरखालि हालानाय अखानि दै बानाया बेनि सुटि एकाडेमियाव थांनाय गोबां कौटि रानि राइफल्स आरो पिस्टलफोरजों लोगोसे गुबुन गोनां बेसादफोरखौबो ख 'हा खालामो। गावनि ख 'हा जानायनि सायाव नारांआ बुडोदि, दै बाना लोमसावनायनि जाहोनाव गं 20 गोजाम राइफल्स, गंभ्र इलेक्ट्रिक आरो मोन 10 मेनुयेल टारोटेसआवो ख 'हा जादों।

एकाडेमिखौ खुलिदोंमोन। बे एकाडेमिनि गेजेरव थांनाय समफोराव माखासे गेलेगिरिफोरखौ फोरोंथाय होनो हाबोनायनि समावनो 14 अक्ट 'बरखालि हालानाय अखानि दै बानाया बेनि सुटि एकाडेमियाव थांनाय गोबां कौटि रानि राइफल्स आरो पिस्टलफोरजों लोगोसे गुबुन गोनां बेसादफोरखौबो ख 'हा खालामो। गावनि ख 'हा जानायनि सायाव नारांआ बुडोदि, दै बाना लोमसावनायनि जाहोनाव गं 20 गोजाम राइफल्स, गंभ्र इलेक्ट्रिक आरो मोन 10 मेनुयेल टारोटेसआवो ख 'हा जादों।

अलिम्पिकखौ बोसोरसे दोन्थ 'नायनि खौरांखौ मिथिनानै गोमोदोंमोन: मेरिकम

गोदान दिल्ली, 16 अक्ट 'बर: भारत हादतनि बक्सिं गेलेमुनि जारिमिनाव 5 थि खेब वर्ल्ड सेम्पियन जानो हानाय मणिपुरनि आइजो गोहोगोर बक्सार एम सि मेरिकमआ बुडोदि, जेब्ला 'टकिय' अलिम्पिक गेम्सखौ बोसोरसेनि थाखाय दोन्थ 'नायनि खौरांखौ मोन्दोंमोन अब्ला गोसोयाव मोनसे बागदावनाय आरो गोमोनाय साफिदोंमोन। टकिय' अलिम्पिक गेम्सखौ सोलिफु बोसोरनि थांनाय 24 जुलाइनिफ्राय 9 आगस्टसिमनि गेजेरव खुंनो गोनांमोनब्लाबो नाथाय कभिड-19 नि जाहोनाव बे गिदिर गेलेमु बादायलायनायखौ बोसोरसेनि थाखाय दोन्थ 'नायनि थांखि



लायो इन्टरनेसनेल अलिम्पिक कमिटीआ। गोदानै थांखि लाफिनाय बायदिदै जापाननि अलिम्पिक खुंफु आफाद आरो इन्टरनेसनेल अलिम्पिक कमिटीआ फेगौ बोसोरनि 23 जुलाइनिफ्राय 9 आगस्टसिम खुंनो थांखि लाफिन्दों। अलिम्पिकनि थाखाय क्वालिफाइड जानो हानाय भारतनि गोहोगोर बक्सार एम सि मेरिकमआ दासान्दि गावनि प्रेक्टिस खालामनायखौ सोलिहोबाय थानायनि गेजेरव मैया भारतनि क्रिकेट हान्जानि केटेन भिरत कहलिनजों इनस्ट्यामआव लाइभ खालामनानै सावरायनाय समाव बुडोदि अलिम्पिक गेम्सआ बोसोरसेनि थाखाय दोन्थ 'नायाव आं गोसोखौ गोजोन्नाय गैयै आरो गोमोनाय मोन्दोंमोन। अदेबानि बे खौरांखौ मोनानै जों साफ्रोमबो सोमोनाय फोरमायदों। जॉनि गेलेगिरिफोरनि थाखाय हरखाब अलिम्पिक बायदि देरसिन मुलुगनि गेलेमु बादायलायनायखौ बोखारनाय एबा दोन्थ 'नायनि थांखिया मोनसे सोमोनाय आरो जेना गोनांबो जादों। मानोना हादतनि गासैबो गेलेगिरिफोर बाहागो लानो थियारि जानाय समावनो कभिड-19 नि जाहोनाव अलिम्पिक गेम्सखौ बोसोरसेनि थाखाय दोन्थ 'नाय थांखिया गेलेगिरिफोरनि थियारि जानाय गोखोंथिखौ लोरबां खालामदों। नाथाय दासिम बे अलिम्पिक गेम्सनि थाखाय हादतनि गेलेगिरिफोर गोखोंडै बाहागो लानो थियारि होनानै बुडो। अलिम्पिक गेम्सखौ गावनि मोनसे जरखा बादायलायनाय महरै फोरमायनायजों लोगोसे अलिम्पिकआव थांनाय 20 बोसोरनिफ्राय गेलेबोगासिनो दं होनानै इनस्ट्यामनि लाइभयाव भिरत कहलिनो मेरिकमआ मिथिहोयो। मख 'नो गोनांदि, फेगौ बोसोराव अलिम्पिक गेम्सखौ जापाननि राजथावनि टकिय सहराव खुंनया जागोन।